

# AWE Mainta

October 19, 2017

www.awemainta.com

www.facebook.com/awemainta

noticia@awemainta.com

583-1400

## ARUBA AIRPORT AUTHORITY N.V. TA RICIBI PREMIO MAXIMO DEN MIHO SERVICIO

TAMBE A GANA E DI  
3 PREMIO DEN MIHO  
AEROPUERTO DEN E REGION

PG.8

## BEN MARAPIN, ECONOMISTA DI ARUBA

### APESAR DI E SITUACION FINANCIERO DI NOS PAIS, GOBIERNO TIN CU SIGUI INVERTI



PG.2

### Experience the difference

- Alarm Installation
- Camera Installation
- Online viewing
- Monitoring Service
- Guard Service
- Patrol Service



*Your protection  
partner since 1996*

**INVEST  
SECURE N.V.**

We don't just say it...  
We Guarantee it!

Phone: (297) 582-7252  
E-mail: [insec@setarnet.aw](mailto:insec@setarnet.aw)  
Facebook: [@investsecurearuba](https://www.facebook.com/investsecurearuba)

PROME CU E ACCION A CUMINSA  
**MINISTER DI HUSTICIA**  
**MR. DRS. ARTHUR DOWERS**  
**A MANDA UN CARTA PA**  
**ORDEN DI ABOGADO**  
**CONFIRMANDO DI CUMPLI**  
**CU SU PALABRACION HACI**





Ben Marapin, economista di Aruba

# Apesar di e situacion financiero di nos pais, Gobierno tin cu sigui inverti

Hulanda tin obligacion pa yuda Aruba, pasobra CAft no a logra su meta

**ANALISANDO** e situacion financiero structuralmente, e economista Ben Marapin ta haya cu si wak e entradanan, por weita cu na 2015 y 2016, Gobierno a haya for di belasting riba ganashi (Winstbelasting) a subi barbaramente cu un 70 miyon florin. No pasobra algo booming a cuminsa na Aruba, pero debi n'e cambio di ley di "self assessment", loke lo nifica cu Gobierno lo haye cu un periodo cortico, unda nan lo cobra dobel, esta e belasting atrasa y esun di e aña coriente.

Loke cu a bin aserca na 2015 y tambe na 2016 y e añanan siguiente, cu tur comerciante tin cu pague adelanta, esta na principio di aña,

manera bo a yena e formulario.

Si wak pa futuro, Gobierno lo hay'e cu e no lo cobra belasting atrasa y esey lo pone cu e aumento grandi di Winstbelasting lo bay baha cu 50 miyon.

Loke ta mira na gasto, segun e economista Ben Marapin, Gobierno a squeeze tur inversion te casi 0, pero no por sigui asina. Como Gobierno, mester sigui inverti den e.o. pa mantene un nivel di enseñanza cu a bay hopi atras. Mester inverti den seguridad, cu tambe a bay hopi atras. Sigur ora cu nos ta papia di combati criminalidad y pa garantiza seguridad na nos turistanan. Tur esaki kier men cu Gobierno mester bay na inverti extra di loke nan tin presupuesta.

Di acuerdo cu Ben Marapin, Gobierno nobo mester bay na crea espacio pa dentro di 2 pa 3 aña yega na 2% di GDP na inver-

sion di Gobierno, cu ta alrededor di 80 miyon florin, cu no ta inclui den presupuesto. Kier men cu esey mester bin aserca, banda di e pik di entrada na Winstbelasting cu lo bay baha tambe. Ta dos factor hopi preocupante, pero mester tene cuenta cune tambe.

Segun Ben Marapin, tur e deficitnan cua ser acumula den un aumento gigantesco di debe, ta medidanan contra pueblo den futuro. Loke nifica cu nos tin cu pagu'e bek. Placa cu lo bay fia, mester wordo paga bek, anto cu interes, cu mester ser mira como medida pa nos y nos yiunan.

E storia cu Gobierno no a tuma medida, no ta make sense, pasobra a fia placa y mester wordo paga bek y esey ta medidanan.

Gobierno nobo tin cu cuminsa traha riba un presupuesto realistico y claro e lo mester un deficit, pero e lo muestra cu porfin Gobierno lo bay sali for di su situacion financiero y asina lo por bay serca financiadornan pa yuda Aruba sali for di su situacion financiero, segun Ben Marapin.

## HULANDA

Hulanda tin obligacion di yuda Aruba y obligacion moral so, pasobra ta Hulanda a mete den nos finanza publico, unda nan a inpone un CAft pa Aruba.

Ora cu a kere cu situacion lo estabiliza of mehora, pero e situacion a sali for di man, segun Ben Marapin. Pesey e economista aki ta bisa cu na su opinion Hulanda ta responsabel cu e situacion financiero di Aruba, unda CAft no a logra hopi.

Pesey Gobierno nobo tin cu sinta na mesa cu Hulanda, pasobra e situacion t'asina serio. Y si CAft no a yuda, pero e situacion a bira peor ta motibo pa sinta na mesa cu Hulanda y trata di yega na un convenio, cu aki 3 pa 4 aña situacion ta poco mas mihor di loke e ta actualmente. No lubida cu Aruba ta pagando na interes un 120 miyon so, mientras cu algun aña atras e interes tabata menos cu 50 miyon y esaki ta debi cu e debe a bira asina gigantesco.







## Prome cu e accion a cuminsa **Minister di Husticia mr. drs. Arthur Dowers a manda un carta pa Orden di Abogado, confirmando di cumpli cu su palabracion haci**

**AINDA** prome cu e abogadonan cu ta traha picket a cuminsa cu nan accion, abogado y Deken di Orden di Abogado, mr. Jeanot de Cuba a confirma di a recibi un carta di Minister mr. drs. Arthur Dowers, unda Gobierno a informa di cumpli cu palabracion haci. Pero esaki ta un parti so, y no a cumpli cu tur palabracion haci, loke ta dificil tambe, pasobra no por bay na compromete e Gobierno nobo tampoco.

Si esaki a pone un paro n'e accion cu manera anuncia mester a cuminsa ayera merdia 12 or, abogado mr. Jeanot de Cuba a bisa cu el a haya un mandato di e miembronan y como tal e mester consulta cu nan prome. Y na momento cu nos a papia cune, esey no a

tuma lugar ainda, loke nifica cu accion a sigui normalmente.

E abogadonan di picket ta drenta den accion como parti di nan protesta. Esaki ta di dos protesta cu nan ta organisa.

*Mientras tanto Orden di Abogado a pidi un reunion tambe cu Formador, Evelina Wever Croes, pa por informe di e situacion, pero como Formador e no tin autoridad pa tuma ningun decision tampoco.*

Den un carta cu Orden di Abogado a manda pa Minister di Husticia demisionario, Arthur Dowers, e mandatario ta ser informa cu debi cu no a ricibi contesta riba un carta di 12 di october ultimo, e abogadonan a dicidi di drenta den accion pa loke ta picket atrobe. Esey ta ensera tambe cu pa casonan cu ta andando caba, abogadonan di picket lo no asisti e clientenan aki.

E problema ta cu contrario na palabracionnan haci aña pasa despues cu abogadonan encuestion a bay den accion pa 30 dia y logra un aumento di pago pa nan trabou como abogado di picket, pero no a honra e acuerdo.

*Segun e Deken, mr. Jeanot de Cuba, parcialmente Gobierno a cumpli cu e LBHam, pero nan kier mira cumplimento completo di loke a keda acorda.*

Y awor cu nan a haya tog reaccion di Minister Dowers, cu ta un decision parcial, ta mas motibo cu mester consulta cu e miembronan prome di anula e accion di protesta aki.



# Accidente serio riba Klip ta laga tres persona herida



**DIARANSON** mainta algo prome cu 7'or, polis y ambulance a wordo manda n'e crusada di Julianastraat y Maria Christinastraat, pa un accidente pisa. Na yegada polisnan a topa cu un Minivan APV y un Suzuki Liana.

Falta di preferencia a hunga un rol momento cu e Minivan no a dun'e Suzuki preferencia y ta wordo gedal. Debi n'e impacto, e van a bay di banda y mester a pidi asistencia di branweer pa corta un porta p'asina saca e dos personanan cu tabata den dje.

Den e Suzuki, e chauffeur ta un persona cu tin problema di curason y a cuminsa sinti malo. Varios ambulance a wordo manda p'e sitio, caminda despues di stabilisa esnan herida a transporta esnan herida pa hospital.

Awe Corte di Prome Instancia tin riba rol pa trata awe

## Varios caso di traficacion di droga y labamento di placa

Horario	Sospechoso	Acto Castigabel
08.15	J.A.S.	Uitspraak.
08.30	S.B.M.B.	M.B. ta wordo acusa di, conhuntamente cu un otro of otronan, venta di cocaine riba 25 di mei 2015.
08.30	W.A.M.	A.M. ta wordo acusa di tabatin sumanan di placa den su posesion den e periodo di prome di juni 2014 pa 6 di juni di 2015, di cual e tabata sa cu nan ta procedente di crimen. E ta wordo acusa di a intencionalmente viola ley di deviezenverkeer den e periodo menciona.
08.30	R.E.B.G. F.M.	B.G. y M. ta wordo acusa di entrego y/of transporte y/of posesion di cocaine den e periodo di prome di juli 2013 pa 25 di mei 2015.
08.30	L.E.C.Z.	C.Z. ta wordo acusa di posesion di cocaine den e periodo di 26 di januari 2015 te 25 di mei 2015.
08.30	A.T.E.J.	E.J. ta wordo acusa di venta di cocaine den e periodo di 26 di januari 2015 te 5 di juni 2015.
08.30	D.F.P.J.	P.J. ta wordo acusa di, conhuntamente cu un otro of otronan, exportacion di cocaine y hennep den e periodo di 26 di januari 2015 te 5 di juni 2015.
08.30	G.A.T.	T. ta wordo acusa di tabatin sumanan di placa den su posesion riba 20 di februari 2015, di cual e tabata sa cu nan ta directamente of indirectamente procedente di crimen, y di a intencionalmente keda sin meld importacion di e cen aki riba e mes dia.
08.30	M.D.H.	H. ta wordo acusa di tabatin sumanan di placa den su posesion den e periodo di 7 di mei 2015 pa 7 di juni 2015, di cual e tabata sa cu nan ta directamente of indirectamente procedente di crimen



# Turista ta hoga na Druif Beach

DIARANSON den oranan di mainta, pa un of otro motibo un turista lo a haya problema den lama y ta hoga. Mesora a sali pa yuda e turista cu un aparato AED, un security-guard di Casa del Mar y un otro turista a trata e victima n'e sitio y n'e momentonan ey ainda e tabata duna señal di bida.

El a wordo transporta cu ambulance cu urgencia pa hospital. Na yegada na hospital, e turista tabata muestra stabiel, pero despues di un rato el a fayece. E curpa a keda tuma den beslag pa Ministerio Publico. Ta trata di un Mericano di 63 aña, na bida yama Robert S. Brandy. E tabata hospeda na un hotel den becindario.

AWEMainta ta extende su mas profundo palabra di condolencia na famia di e fayecido.

## ATENCION! PARTICIPACION

AWEMAINTA ta acepta publicacion di comunicado di prensa (press release) acompaña cu foto digital asumiendo cu e persona of e instancia cu a somete e comunicado di prensa pa publicacion tin derecho of autoridad pa publica of usa e material digital cu a ser somete pa publicacion. E presentacion di e comunicado di prensa pa publication den AWEMainta ta ensera cu e persona of instancia ta asegura cu e tin derecho of autoridad pa publica e material digital y cu e ta acepta sin ningun reserva pa indemnifica y proteha AWEMainta por completo contra di cualkier demanda of causa pa daño y prehuicio cu ta ser alega contra AWEMainta pa motibo di cualkier violacion di derecho di autor, cualkier otro derecho intelectual of otro derecho civil of contractual.

Gerencia





# CHEVROLET

# FACTORY

# BONUS SALE!

**FACTORY BONUS**  
**US\$ 3000**

SILVERADO  
AWG. 861 p/m\* in 6 yrs



**FACTORY BONUS**  
**US\$ 8000**

TAHOE LS  
AWG. 1,312 p/m\* in 7 yrs



**FACTORY BONUS**  
**US\$ 2000**

EQUINOX  
AWG. 1,047 p/m\* in 6 yrs



**FACTORY BONUS**  
**US\$ 1000**

SPARK NG  
AWG. 458 p/m\* in 5 yrs



**FACTORY BONUS**  
**US\$ 2000**

TRAX  
AWG. 877 p/m\* in 5 yrs



**SKIP THE LINE AND APPLY TODAY FOR A PRE-APPROVAL!**

Find us at the CMB Drenta Sali Car Swap Show  
October 21, 2017 at the Harbour Arena.




**#FactoryBonus**



TANKI LEENDERT 122, ARUBA  
T: 582-3838 | CHEVROLET ARUBA | WWW.CHEVROLETARUBA.COM



\*Monthly payment is calculated based on CMB special rate of 6%. Factory Bonus is available for a limited time only.





## SMAC y KPA a tene nan prome reunion pa temporada di Carnaval 2018

Ta anticipa cu pa Carnaval 64 lo tin bon cooperacion y cordinacion di ambos banda

SMAC kier anuncia na prensa y pueblo di Aruba, cu recientemente a sinta hunto cu Korps Politie Aruba pa asina discuti e temporada di Carnaval 64.

Durante di e reunion, SMAC tabata representa pa miembronan di su directive: Presidente sra. Henriquez y secretaria Zuleika Wever. Tambe tabata presente

un delegacion di KPA cu tabata encabesa pa: sra. Gordon y sr. Soemers y acompaña pa representantenan di distrito di San Nicolas, Oranjestad y Sta. Cruz.

paradanan. Hunto a repasa y yega na un consensus riba gran parti di e schedule, mirando cu e ta un temporada di mas o menos 5 siman.

encuentro cu nan. Esaki ta un reunion cu lo consisti di representantenan di KPA, Brandweer, IMSAN (Ambulance), DOW, DTI, DES-PA y Serlimar.

E reunion aki ta pa hunto evalua cada evento pa mira unda mester tin cambio of mehoracion pa tur cos cana bon.

SMAC kier gradici Korps Politie Aruba, sra. Gordon y sr. Soemers y demas miembronan presente, pa ricibi SMAC den nan seno, tambe pa tur consejo y positividad.

SMAC lo sali afo dentro di algun dia cu nan prome conferencia di prensa, pa presenta e cuenta annual. Presidente Sr. Shannon Henriquez y su directiva di SMAC ta gradici pueblo en general pa nan sosten y aporte na Carnaval 63, y ta conta cu e mesun entusiasmo y positivismo pa loke t'e evento di 11/11 venidero y Carnaval 64.

**BO MESTER DI WASTE BUCKET RESIDENCIAL OF COMERCIAL?**

**ecotech**

**YAMA**

**Mr. Bucket**

594-3757  
mrbucket@ecotech.aw

20 yrd Big Bucket    15 yrd Junior Bucket    10 yrd Small Bucket



Auto-Truck-Bus-Brommer Trailer

**Special Offer!**

**RIJLES HERMUS**

**RIJSCHOOL NV**

5943263 / 5826732

Hermusrijschoolnv.com

SMAC y KPA ta convenci cu hunto por yega na un relacion estrecho y duradero prome, durante y despues di temporada di Carnaval.

Ta di acuerdo cu orden publico y seguridad di participantenan y publico ta keda prioridad, y e meta principal di ambos SMAC y KPA.

Di e manera aki ta sigura cu tur hende, carnavalista, publico y bishitantenan por gosa optimalmente durante eventonan y paradanan.

Den e prome reunion aki a presenta na KPA e schedule tentativo pa Carnaval 64, pa di e forma aki haya consejo y aprobacion di KPA pa fechanan y rutan stipula di eventonan y

Ainda tin algun punto cu lo mester ahusta y confirma.

A confirma cu no tin mucho espacio pa por agrega mucho mas mirando cu tur weekend ta yen y hasta den siman tin algun actividad cu lo tuma lugar.

Consehonan ariba por ehempel: iluminacion suficiente na cierto puntonan, cantidad di agente policial pa cada grupo di carnival, y orarionan di diferente eventonan y paradanan, lo yuda SMAC cu e organisacion di Carnaval 64.

Den e lunanan nos dilanti lo cuminsa cu e stakeholders meetings, cu lo tuma lugar frecuentemente y di awo caba lo cuminsa mirando cu e temporada di carnaval mes no lo permiti mucho



Despues di a haya 2 hende morto

## Polis a logra detene 8 persona mas, kendenan a trata di drenta Aruba ilegalmente



**DESPUES** cu diamars di a haya informacion cu na Baby Beach, na altura di ex Nanki Beach, a haya dos curpa sin bida, tur tramite a ser haci pa identifica y laga dokter constata nan morto, Polis a sigui cu nan investigacion hunto cu miembronan di Guardacosta y cu ayudo di otro unidadnan Policial cu a sera henter e becindario.

Pasobra unabes cu a haya dos persona sin bida, ta indicacion cu mas hende lo a subi tera, pero unda nan ta?

Mester bisa cu nan a logra drenta, pero no por a bay mucho leu, despues cu a bira conoci cu a haya dos di e companeronan morto.

A busca practicamente henter Seroe Colorado y pa ora cu a cuminsa bira anochi, Polis a logra un total di 8 persona mas, tur Venezolano, kendenan tambe tabata riba e boto cu a trece nan aden, y kier a drenta Aruba ilegalmente. Maske nan a busca tur manera pa sali for di Seroe Colorado, pero no a haya e oportunidad. Tur a ser pasa e ora ey pa Warda nos Costa pa prepara nan deportacion.

Pero kico a pasa exactamente, no ta conoci ainda, pasobra ni ayera Polis no a duna mas informacion di kico por a pasa y unda e boto ta.

Hopi ta kere cu e capitan a trece nan mas serca posibel, pero dos di nan debi n'e laman bruto, a hoga y e otronan si a yega tera, pero no por a bandona Seroe Colorado y awor ta pendiente nan deportacion.



# 28 OKTOBER 2017

# TOOL FEST

Di 9am te cu 5pm

TE CU  
**40%**  
DI DESCUENTO  
ARIBA UN  
SELECCION DI  
POWER TOOLS

**Bin disfruta di e Toolfest di mas grandi  
riba isla cu entretenimento y**

**10% di descuento ariba tur Power Tools**

ENTRETAMIENTO PA MUCHA · WEGANAN · MUZIEK · RAFFELS CU TREMENDO PREMIO

Descuentonan ta valido tambe riba 29 di october

KOOYMAN MEGASTORE NON-STOP OPEN DI 7AM TE CU 7PM & SUNDAY 9AM - 2PM  
KOOYMAN MEGASTORE AV. E. J. (WATTY) VOS 20

**KOOYMAN**



Durante ceremonia na Mauritius

# Aruba Airport Authority N.V. ta ricibi premio maximo den miho servicio

Tambe a gana e di 3 premio den miho aeropuerto den e region



ARUBA Airport Authority N.V (AAA) a wor- do yama riba escenario na Mauritius durante e



**Flip pa Ecotech**  
Ecotech Vacuum Service Special  
Servicio septico te cu 7m<sup>3</sup> pa  
E special ta di 16 October - 21 October 2017  
Afl. 55  
All taxes incl.  
Yama nos AWE mes **582 - 4684**  
info@ecotech.aw  
www.ecotecharuba.com  
Facebook

## Job Opportunity



Caribbean Palm Village Resort  
Seeking energetic, motivated  
individual to function as:  
**Chief Engineer**

### Requirements:

- Minimum 5 years experience in similar position with hotel or time-share operation
- Degree in mechanical engineering
- Extensive experience in development and implementation of preventive maintenance, budgeting, and monitoring of departmental expenses.
- Experience in HVAC, refrigeration, Electra, Plumbing, Carpentry, Painting and Landscaping.
- Ability to carry out projects that improve efficiency and reduce operational costs, renovations and to keep safety procedures up-to-date.
- Strong leadership
- Strong organizational skills and strong ability to prioritize and multi-task
- Fluent in English, Spanish, Dutch & Papiamentu

### We offer:

Competitive Wages, & Attractive Benefits.

### Applicants:

Curriculum vitae and all relevant proof of educational background must be received by October 23, 2017 by 4:00 pm via e-mail: mary@cpvr.com or addressed, to Mary Werleman, Human Resources Manager at Caribbean Palm Village Resort, Noord 43-E Aruba.

For more information please contact:

Our H.R. Department  
Tel: 526 2700 ext.2889

ceremonia oficial unda Airports Council International a otorga e Service Quality Awards 2016, premio cu aeropuertonan grandi y chikito for di rond mundo ta competi den ken ta brinda e miho servicio y experiencia na pasaheronan.

A base regular ta haci encuesta bou di pasaheronan saliendo for di Aruba pa asina haya sa con e nivel di satisfaccion ta bou di e pasaheronan. Satisfaccion specialmente den e procesonan cu ta pasa ora di biaha. E procesonan ta encera acceso na aeropuerto, e proceso ora di check-in, e proceso di inmigracion y seguridad, e facilidadnan cu ta guia e pasahero dor di e edificio, e facilidadnan di compra di cuminda y bebida, e ambiente en general na aeropuerto, e nivel di satisfaccion general, e proceso di yegada na

aeropuerto.

Total ta cualifica no menos di 34 diferente fase cu e pasaheronan ta pasador di nan.

Ta compila e informacion a base diario, mensual y na cada kwartaal ta mand'e pa analisa pa asina haci e ahustenan necesario.

Ta presenta e "ASQ Awards" n'e aeropuertonan di cual nan clientenan (pasaheronan) a duna un cualificacion mas halto durante un periodo di un año.

Ta haci e categorianan asina pa reconoce e logronan di aeropuertonan di diferente tamaño y di diferente region.

Aruba Airport como tal a gana e premio di 3 luga pa Miho Aeropuerto p'e region Latino America y Caribe, cu mas di 2 milyon pasahero pa año.

Ta comparti e di 3 luga cu Quito Airport.

Tambe a gana e premio

como e prome luga pa Aeropuerto cu a mehora mas tanto den region di Latino America y Caribe. Es decir, aeropuerto di Aruba a resalta den e area di mehora servicionan den e region di Latino America y Caribe como esun miho.

"E Programa di ASQ ta duna nos e hermentnan valioso pa analisa y dirigi nos esfuersonan pa mehora y premiacionnan aki ta duna nos e seguridad cu nos ta bayendo den e bon direccion.

Nos lo sigui tin e obhectivo di bira lidernan den *customer service* entre aeropuertonan.

E premio aki no ta solamente un logro pa nos como aeropuerto y e comunidad di aeropuerto pero un gran logro pa nos pasaheronan", asina Marc Figaroa, Commerce Manager di AAA cu a accepta e premionan na Mauritius a bisa.



# Examenklasnan di WZ BOI 4-4 EPI tabata di bishita na Bureau Leerplicht Aruba y Dienst Inspectie Onderwijs Aruba

DIARANSON ultimo, studiantenan di WZ BOI: 4-4 EPI Salubridad y Servicio, a haci un bishita di estudio na Bureau Leerplicht Aruba y Dienst Inspectie Onderwijs Aruba.

Sr. Kenneth Jong, Beleidsmedewerker di Bureau Leerplicht, a duna hunto cu sra. Lilian Scholten-De Freitas, un recorrido den edificio di Bureau Leerplicht pa despues un splicacion amplio di e trabounan di e bureau, y tambe e studiantenan por a scucha mas di e ley di Leerplicht den practica.

Na Dienst Inspectie Onderwijs, sr. John Hessen a duna tanto recorrido como splicacion di e trabounan, responsabilidadnan y maneho di e departamento aki.

Studiante a keda acompaña pa nan docente di pedagogia, sr. Randolph Vrolijk.



# Mr. Bucket

## Residential Waste Bucket Special



# HACI BO BIDA MAS FACIL!

Cumisando na **AFL.149,-**

**Pa informacion of peticion pa:**

20 yrd  
Big Bucket



15 yrd  
Junior Bucket



10 yrd  
Small Bucket



**Yama of manda bo Whatsapp na 594-3757 of email na [mrbucket@ecotech.aw](mailto:mrbucket@ecotech.aw) y ricibi bo Waste Bucket Special.**

[info@ecotech.aw](mailto:info@ecotech.aw)  
[www.ecotecharuba.com](http://www.ecotecharuba.com)

SGS SGS SGS

Find us on:  [facebook.](https://www.facebook.com/ecotecharuba)

THE MOST SPECTACULAR  
**THEATRICAL EVENT**  
RETURNS TO THE BIG SCREEN OF  
CARIBBEAN CINEMAS



BELLINI  
**Norma**  
OCT 21 1:00PM

MOZART  
**Die Zauberflöte**  
OCT 28

THOMAS ADÈS / LIBRETTO BY TOM CAIRNS  
**The Exterminating Angel**  
DEC 2

ENGELBERT HUMPERDINCK  
**Hansel & Gretel**  
DEC 23

PUCCINI  
**Tosca**  
FEB 10

DONIZETTI  
**L'Elisir d'Amore**  
FEB 24

PUCCINI  
**La Bohème**  
MAR 10

ROSSINI  
**Semiramide**  
MAR 24

MOZART  
**Così fan tutte**  
APR 14

VERDI  
**Luisa Miller**  
ABR 28

MASSENET  
**Cendrillon**  
MAY 12

The Met  
ropolitan  
Opera **HD LIVE**

\*All presentations on Saturdays at 1:00pm

The Met: Live in HD series is made possible by a generous grant from its founding sponsor  
**The Neubauer Family Foundation**

Digital support of The Met: Live in HD is provided by  
**Bloomberg Philanthropies**

The HD broadcasts are supported by  
**Toll Brothers**  
AMERICA'S LUXURY HOME BUILDER

AT CARIBBEAN CINEMAS MEGAPLEX 8

TICKETING INFORMATION  
586-0074 - Monday to Friday - After 3:30 PM  
- Saturday to Sunday - After 1:00 PM

AWG 50.00 Adults  
AWG 45.00 Child/Seniors  
Per person, per function. Tax included.



ENCORE PRESENTATIONS SUBJECT TO CHANGE



# Happy Diwali

## SAGAR II

*The Exclusive Ladies Showroom*



THE  
BOOLCHAND  
GROUP  
SINCE 1930

## SUPER SHOPPING



Parking lot Certified

## GEEKAY

Department Store

## BC BARGAIN CITY

Parking lot Certified

Simplicity★Service  
**Sams**  
A R U B A  
*By Manolo*





*May this festival of lights brighten your life and brings happiness, joy and prosperity for you and your family.*



**AarGee Fashion**

**KEKE Megamart**  
Cura Cabai #141 Tel: 584-5180



**ALANKAR**

Schelpstraat # 41 • Tel: 588-5783





Chauffeur di un Toyota Corolla ta dal contra un ambulance staciona,  
**Pasobra e chauffeur no tin atencion riba trafico; su atencion ta riba su celular**



**DIAMARS** den oranan di mainta ta sosode un accidente cu un persona herida n'e cruzada di Morgenster/Primavera. Mesora Polis y ambulance ta bay n'e sitio.

Na yegada nan ta bin topa cu un accidente den cual tin tres auto involvi y ta bin compronde cu un auto bayendo direccion pabou (Oranjestad) a duna e S.U.V. preto biniendo for di panort preferencia, pero e chauffeur di e SUV no a pone tino cu net e momento ey, for di pabou tabata biniendo un Hyundai Getz, e SUV a dal e pone hala na su man robes y dal un Hyundai Accent preto para den e fila cu tabata bayendo pabou.

Den e impacto tabatin un persona levemente herida y a wordo trata pa personal di ambulance.

Mientras cu e personal di ambulance tabata tratando e persona n'e sitio, un auto a pasa dal contra e ambulance. E auto su spiel a kibra y e ambulance a haya un raspa, e auto a sigui core, pero despues di un rato el a bolbe bek n'e sitio unda e accidente a pasa.



**Sintonisa tur merdia e duo di periodista  
 Alexa Werleman y Victor (Toko) Winklaar  
 Den Noticia na G-FM 99.9**


**Di dialuna pa diabierna  
 cu noticia sin miedo**





**Sin mira cu patras di su auto tabatin  
un dama ta para pa cruza caya**

Ambulance a trata e se-  
ñora n'e sitio mes, mi-  
rando cu no tabata nada  
di gravedad.



## Servicio pa Comunidad



## Emergencia

Brandweer .....	911
Polis .....	100
Polis Oranjestad .....	102
Polis San Nicolas .....	104
Polis Santa Cruz .....	105
Polis Shaba .....	107
Polis Tiplene .....	1141

Ambulance San Nicolas .....	584-5050
Ambulance Sasaki .....	582-5573
Ambulance Wayaca .....	582-1234

Hospital .....	527-4000
Centro Medico San Nicolas .	524-8833
SVB (AO-Ziekmelding) .....	527-2782

## Botica na Warda

## Pabou di Brug: Kibrahacha

**Pariba di Brug:**  
Aloe

## Dokter na Warda

### Pabou di Brug:

### Pariba di Brug:

## Servicionan

ELMAR Storingdienst .....	523-7147
SETAR Storingdienst .....	117
Digicel .....	145
WEB Storingdienst .....	525-4600
Reina Beatrix Int'l Airport .....	524-2424
Serlimar .....	584-5080
Arugas .....	585-1198
Guarda Costa .....	913

## Funeraria

AD Patres .....	584-2299
Aurora .....	588-6699
The Olive Tree .....	582-0000

## Fundacion

Rode Kruis Aruba .....	582-2219
FADA .....	583-2999
Fundacion Respeta Mi .....	582-4433
Fundacion Guia Mi .....	587-1677
Muhe den Dificultad .....	583-5400
Telefon pa Hubentud .....	131
Centro Kibrahacha .....	588-3131
Stichting Bloedbank .....	587-0002
Mary Joan Foundation .....	588-9999
Koningin Wilhelmina Fonds ..	582-0412
Fundacion Pa Nos Muchanan..	583-4247

## Cas Editorial



## The Media Group

Margrietstraat #3

Oranjestad, Aruba

Tel: 583-1400 Fax: 583-1444

## Orario di Officina

Dialuna - Diabierna  
8am - 5pm

## Cuenta di Banco

CMB #22982600

## E-mail

**Redaccion:** noticia@awemainta.com  
**Aviso:** aviso@awemainta.com

**Subscribi na:** [notica@awemainta.com](mailto:notica@awemainta.com)

## Director

**Victor “Toko” Winklaar**  
**Victor R. Winklaar**

**AWE Mainta**

Aruba su  
unico corant  
completamente  
digital

**#1 ONLINE**

 Find us on:  
**facebook®**

[www.facebook.com/AWEMainta](http://www.facebook.com/AWEMainta)



[www.awemainta.com](http://www.awemainta.com)

Tel: 583-1400  
E-mail: [noticia@awemainta.com](mailto:noticia@awemainta.com)



Den cuadro di IPA su Dia Publico 4 di november benidero

# Profesion di maestro, un profesion di curason

**DIASABRA** dia 4 di november Instituto Pedagogico Arubano (IPA) ta tene su Dia Publico (Opendag) anual. IPA ta ofrece estudio pa formacion di maestro di scol preparatorio, di scol basico y di scol avansa. E prome aña di estudio pa maestro di enseñansa primario na IPA t'e aña cu bo ta orienta riba bo futuro profesion como maestro. Durante e periodo aki bo ta sera conoci cu tur area di formacion y tambe e dos specialisacionnan cu IPA ta ofrece.

Na final di e prome aña bo por scoge p'e specialisacion mucha di 4 pa 8 aña of di 6 pa 12 aña. Otami Thomasia, graduado di 2016, ta conta su motivacion pa scoge p'e specialisacion 4 pa 8 aña.

“Na aña 2012 mi a cuminsa cu e estudio pa bira maestro di scol primario na IPA. Pa bisa berdad mi no tabatin niun idea di locual tabata sperami.

Ma cuminsa e aña cu un pensamiento positivo y mi a haci todo por todo pa duna tur locual mi por. Ora e momento a yega pa bay haci mi practica den un kleuter klas mi tabata nervioso.

Mi tabatin hasta miedo di para dilanti di klas. Despues di un par di dia cu e muchanan mi a enamora.

E smile riba nan cara ora nan logra algo, e brasa cu nan ta dunabo ora nan yega scol y tur e momentonan cu bo ta pasa cu nan den klas ta tremendo.

Sa tin momento menos, pero como maestra bo ta siña deal cu nan y compronde cada mucha individual. Despues di mi ultimo dia di practica mi a dicidi na caminda pa cas cu t'e profesion di maestro ta lo cual mi kier eherce pa resto di mi bida.

Na final di Aña Academico 2012-2013 mi a dicidi sin duda cu mi kier traha cu mucha di 4 pa 8 aña y te awe mi ta para 100% tras di mi desicion. Mi stima locual mi ta haciendo y mi ta contento cu awor mi tin mi mesun klas p'asina mi haci un diferencia.”

IPA ta invita particularmente henter e comunidad di Aruba pa asisti na su Dia Publico p'asina sera conoci cu nos instituto en general y e ambiente estudiantil en par-

ticular, conoce nos facilidadnan y tambe pa haya informacion di loke IPA ta haci. IPA ta invita tur estudiante di HAVO, VWO, EPI y tur otro persona interesa pa cuminsa un estudio pa maestro pa asisti n'e Dia Publico aki dia 4 di november 2017.

IPA su Dia Publico lo ta di 10or di mainta te 2or di atardi. Durante e Dia Publico aki lo duna informacion general di e estudio di maestro pa Enseñansa Primario, Movecion y Salud, Bachelor Papiamento, Bachelor Hulandes, Bachelor Ingles, Bachelor Spaño y Master Educational Needs.

Banda di esaki lo tin presentacion di proyecto di estudiante y exposicion di e diferente areanan di formacion di estudio di maestro pa haya un mihor bista riba kico e estudio ta encera.

Naturalmente lo tin oportunidad pa inscribi como estudiante p'e estudio pa maestro di Enseñansa Primario, Movecion y Salud, Bachelor Papiamento Bachelor Hulandes y Master Educational Needs. Pa por inscribi na IPA mester trece e papel di Registro Civil, si a gradua caba copia di diploma di sea HAVO, VWO of MBO nivel 4. E gastonan di inscripcion ta AWG 75,-. Banda di esaki tur

persona cu ta interesa den Bachelor Ingles y Bachelor Spaño por pasa IPA pa ricibi informacion y yena un formulario di interes.

Tambe lo tin un 'Food & Bake Sale' organisa pa nos propio studentenan. E benta di cuminda aki tin como meta pa recauda fondo p'e studentenan di aña 3 cu pronto lo biaha pa exterior pa nan pasantia internacional.

Di e manera aki IPA ta brinda henter Aruba un dia special di orientacion, yen di informacion y actividad.

Pa mas informacion por tuma contacto cu Studenten Services na 524-3100 of por bishita nos pagina di facebook 'Instituto Pedagogico Arubano' of nos website [www.ipaaruba.com](http://www.ipaaruba.com)





Club Kibrahacha cu anochi informativo

## Pa kiko nutricion ta importante pa un bida saludabel



**Club Kibrahacha 60+**

## Club Kibrahacha 60+ ta ofrece workshop gratis con pa traha cu tablet y smartphone

**BO** kier siña traha cu tablet y smartphone? Esaki t'e oportunidad.

Club Kibrahacha 60+ ta organisa workshop gratis ariba dianan 24 te cu 27 october, pa siña traha cu tablet y smartphone.

E workshop ta tuma lugar tur mainta for di 9:30 pa 11:30.

Tur esnan interesa por yama Club Kibrahacha na 582-8159 pa registra e dia y orario cu nan kier participa n'e workshop aki.

E workshop nan aki ta completamente gratis.

Bo ta keda cordialmente invita pa registra mas pronto cu ta posibel pa bo no perde e oportunidad aki.



**CLUB** Kibrahacha 60+ conhuntamente cu MFA Noord, ta organisa un anochi informativo cu e tema "Biba Saludabel", cu lo wordo presenta pa Sr. Romulo Fingal.

Nutricion ta un parti esencial si nos kier biba un bida saludabel.

Recientemente Sr. Romulo Fingal a publica e buki "Ami sin Cancer". Den e buki aki Sr. Fingal ta splica cu cancer no ta un malesa. Tambe e ta duna un splicacion di tur loke cu nos por come y bebe cu ta preveni y tambe combati cancer.

E charla aki lo tuma lugar dia 19 october 2017 na MFA Noord.

E orario p'e anochi aki ta for di 7'or pa 8.30 di anochi.

Entrada ta gratis.

Publico tin e oportunidad pa haya tur informacion y detayes di e buki cu sr. Romulo Fingal a publica.

Bin join nos pa desaroya bo mente tocante un bida saludabel.



GET IT ALL BEFORE THE HOLIDAYS!

**EQ3**

**15% OFF**



**SOFA'S, CHAIRS, COFFEE TABLES,  
END TABLES, CONSOLE TABLES,  
RUGS AND MORE.**

L.G. SMITH BLVD. 126 TEL.583 3373 WWW.EQ3ARUBA.COM



Fundacion Pa Nos Muchanan ta presenta proximamente un  
**Workshop pa lider y cabesante di Centro di Cuido (0-12 aña) titula**

“E desaroyo di mucha cu ta cana otro of no bon... E solucion”.

**DESAROYO** di un mucha por cana bon, pero tambe e por tin contratiempo of kizas no ta cana bon. E por ta dificil, pero sigur e ta importante pa sa na ki momento algo no ta canando bon.

Un mucha ta pasa mayoria ora di dia den un Centro di Cuido. Como lider bo mester por conoce e fasenan di desaroyo di e mucha y por sa na ki momento esaki no ta canando manera e mester cana.

Como cabesante, e ta importante pa abo cu ta na cabes di e Centro di Cuido, tambe sa tur loke ta sosode den bo Centro.

Si un lider tin un preocupacion tocante un mucha, abo lo mester sa kico ta un desaroyo cu ta cana bon p'asina duna e lider conseho y e guia necesario riba esaki.

Ambos grupo tin e tarea di observa y capta e señalnan aki como tambe sa e necesidadnan cu e comportacion ta manda.

Y na final bo mester sa con pa trata esaki.

Pa ambos grupo e esencia di e workshop aki ta un ampliacion di conocimiento den nan trabou cu mucha.

P'e motibo aki, Fundacion Pa Nos Muchanan ta dedica 2 diasabra n'e topico aki pero e biaha aki cu un separacion entre e grupo di lider y cabesante di Centro di Cuido di Mucha.

Fecha: Diasabra 21 october 2017 (lider): Diasabra 28 october 2017 (cabe-  
sante): Orario: 9.00am-1.00pm: Lugar : FPNM (Cumana #2): Cuponan ta limita.

Pa mas informacion y inscripcion, tuma con-

tacto cu nos na: 588-0856/583-4247 of pasa serca nos na: Cumana #2 (Fundacion Pa Nos Muchanan)

# FUNDACION

## PA NOS MUCHANAN



# AWEMainta

## AWEMainta e unico corant completamente digital

\* **Ricibi AWEMainta tur dia den bo inbox**

Manda bo email na: [noticia@awemainta.com](mailto:noticia@awemainta.com)

\* **Haya noticia y edicionnan di AWEMainta riba nos website**

[www.awemainta.com](http://www.awemainta.com)


\* **Like nos riba nos Facebook**

[www.facebook.com/awemainta](https://www.facebook.com/awemainta)

Tel: 583-1400

Fax: 583-1444

Adres: Margrietstraat #3





# Prioridadnan di comunidad ta enfoke central di acuerdo ‘Hunto pa Aruba’



**DEN** e acuerdo di formacion ‘Hunto pa Aruba’ lider di cada partido esta sr. Otmar Oduber, sra. Evelyn Wever-Croes y sr. Ricardo Croes a firma y asina acorda pa riba tres prioridad y punto di salida pa e periodo di gobernacion 2017 – 2021.

## BON GOBERNACION

E prome punto ta ensera e calidad di nos democracia y nos institutonan democratico ta depende di un structura transparente basa riba: Proteccion di derechonan humano, respet p’e necesidadnan y libertadnan di nos ciudadanonan, fortificacion di nos estado di

derecho y instancianan di control y responsabilisacion y bon gobernacion, eliminacion di corrupcion y discriminacion.

Pero mas cu tur, democracia di nos pais y bon gobernacion ta depende di e capacidad y integridad di esnan cu ta ocupa posicionnan clave den e structura y institutonan.

Gobernantenan ta responsabilisa nan mes pa nan actonan y funcionamiento den e aparato gubernamental.

Den esaki Parlamento mester cumpli debidamente cu su tarea di controla Gobierno. Ademas lo institui un departamento pa promove integridad gubernamental (‘Bureau Integriteit’).

## FINANSA PUBLICO BALANSA Y DURADERO

E di dos prioridad cu partidonan MEP, RED y POR a acorda den e acuerdo di formacion “Hunto pa Aruba” ta Finansa Publico Balansa y Duradero.

Meta principal ta pa den un forma responsabel trece un balance den nos finansa publico pa awor y pa nos futuro generacionnan.

Pa logra esaki lo reduci nos debe nacional na un nivel manehabel, lo baha e gastonan inecesario y lo restructura e sistema di impuesto (reforma fiscal) p’esaki bira uno mas

simpel pa ehecuta y mas husto p’e pagado di impuesto.

Esencia di e reforma fiscal ta pa reduci e peso di impuesto, di directo pa indirecto, cu e meta di entre otro logra mehora poder di compra, eficiencia y transparencia. Pa garantisa transparencia y efectividad di e procesonan financiero lo institui un ‘Begrotingskamer’.

## E SER HUMANO CENTRAL

E di tres prioridad ta enfoca riba ser humano. E ser humano y su derechonan fundamental lo wordo poni central den e maneho di e proximo Gobierno y esaki lo ta visibel principalmente riba e siguiente terenonan Seguridad, Asistencia Social, Bienestar Economico, Desaroyo Sostenibel, Enseñansa di Calidad, Cuido di Nivel Halto y Vivienda pa Un y Tur.

Tur e puntonan di enfoke den e acuerdo ‘Hunto Pa Aruba’ por relata n’e visionnan cu a wordo presenta den POR su plan di Gobernacion y cual ta cuadra tambe cu locual cu partidonan MEP y RED tambe ta para pe. Puntanan cu ta garantisa e cambionan y adelanto cu comunidad kier mira na bienestar di un y tur.



APA orguyoso pa apertura temporada halto di turismo crucero

## Aruba a ricibi 5 barco crucero cu ta trece 10 pa 11 mil bishitante



**ARUBA** Ports Authority (APA) ta orguyoso di ricibi 5 barco crucero riba e mesun dia den inicio temporada halto di turismo crucero.

“Un biaha mas ta un privilegio pa APA di por anuncia cu e temporada nobo cu ta cuminsa aki, ta habri di bon forma cu cinco barco crucero. Ta trata aki di Adventure of the Seas, Caribbean Princess, Nieuw Amsterdam, Zenith and Freewinds. Esaki t’e dia riba cual un biaha mas Aruba ta marca historia cu bishita di cinco barco crucero.

APA, mirando cu e dia aki lo ta uno hopi special y importante pa Aruba, lo percura cu ciudadanonan haci nan maximo esfuerso cu e turistanan cu bishita Aruba den e temporada aki ta sinti nan mes na cas, pa crea mihor posibilidad cu den futuro nan planea pa bishita e isla, pero como “stay-over tourist”.

Esaki ta importante pa sigui duna mas aporte na economia di Aruba.

“Ta masha importante cu e turistanan cu bishita Aruba ta sinti nan mes na cas, ya cu di e forma aki nan lo por bolbe pa un bishita mas largo, pero tambe comparti nan bunita experiencia na Aruba cu famia y amistadnan.

Segun e schedule di diaranzon, 18 di october, e dos prome barconan crucero cu lo drenta haf di Aruba entre 6or y 6.30 di mainta t’e bon conoci Freewinds y Zenith, cu tin casi 3 mil pasahero entre nan dos. Entre 7’or y 7.30 ta drenta e barconan di Princess Cruise Line y Royal Caribbean Cruise Line, cu nan barconan Caribbean Princess y Adventures of the Seas respectivamente y cada un cu mas di 3 mil pasahero.

Y e ultimo cu ta drenta waf ta Nieuw Amsterdam, cu rond di 2 mil pasahero, di Holland

American Line. Esaki ta nifica cu Aruba ta bay ricibi riba 10 mil pasahero crucero riba un dia un solo dia.

Esaki lo yuda sigur na surpasa loke tabata pronostico di cantidad di pasaheronan crucero den 2017.

E team di APA hunto cu seccion di Turismo Crucero di ATA a bin ta reuniendo pa haci e preparacionnan necesario, no solamente pa ricibi e barconan den haf di Aruba, sino p’e pasaheronan crucero bay cu e mihor impresion posibel di Aruba.

Tin pasahero cu lo ta bishitando Aruba pa prome biaha y e mihor impresion posibel di Aruba. Y e impresion cu nan haya, por yuda na convence nan bolbe como “stay over”.



# Conocido di polis busca pa husticia a keda deteni



**DIARANSON** den oranan di merdia, na momento cu Flex-Team di polis tabata den Madiki, nan a bin topa cu Babaloe kende ta un conocido di polis y cu tabata wordo busa pa husticia, relaciona cu casonan di kiebros y ladronia.


Mesora nan a deten'e y a transport'e pa warda di recherche, unda e lo mester bay duna cuenta di su fechorianan.



Zodiac Merdia ta parti premio

# Cumpr'e, gan'e y cobr'e rib'e mesun dia



<div><div></div><div>BANCO DI CARIBE</div></div> <div>OFFICIËLE KOERSEN TEN OPZICHTE VAN DE ARUBAANSE FLORIN</div> <div>GELDIG OP 18 Oct, 2017 EN TOT NADER ORDER</div>					
valuta		aankoop van publiek			verkoop aan
		bankpapier	wissels, CHQ's reischeques en overboekingen		publiek
Ned. Antil. Gulden	ANG	98.00	100.00	biljetten chq./overboeking	100.20
Per ANG 100					100.00
Amerikaanse dollar	USD	1.77	1.78		1.80
Canadese dollar	CAD	1.40	1.42		1.44
Zwitserse frank (per 100)	CHF	180.95	181.67		182.47
Pond sterling	GBP	2.28	2.33		2.39
Japanse yen (per 10.000)	JPY	156.36	157.79		159.37
EURO (per 100)	EUR	207.36	209.26		211.36
Deense kroon (per 100)	DKK	27.13	27.85		28.65
Noorse kroon (per 100)	NOK	21.35	22.07		22.87
Zweedse kroon (per 100)	SEK	20.80	21.52		22.32

E sorteonan di e weganan di Lotto, cu ta hunga den e oranan di merdia, a permiti cu hopi mas hungado por tin mas chens pa gana, ya cu tur hungado ta purba nan suerte den e oranan di merdia y gana, por pasa cobra nan check mesun dia.

Esaki a pasa tambe cu Harold M. cu Zodiac Merdia ayera, 18 di october. E la gana 12.500 florin compra na Cura Cabay Lottery. Abo tambe purba bo suerte cu e weganan di 4 cifra merdia. Cumpre, gane y cobre tur riba mesun dia.

E weganan cu bo por hunga merdia ta Catochi, Big 4, 1OFF y Zodiac. Abo tambe por tin mesun suerte cu Harold!

Lotto, e loteria di Aruba tin diferente wega; Catochi, Big 4, 1Off, Zodiac, Wega di Number Korsou di Lotto, Lotto di Dia, Lotto 5, Mini Mega cu su Mega Plus y e diferente weganan di Raspa y Gana.

Cumprando Lotto bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.



# Club Kibrahacha a presenta n'e prome Caribbean Active Aging Congress



DEN fin di siman Club Kibrahacha tambe tabata presente n'e prome 'Caribbean Active Aging Congress' na Aruba. Diabierna ultimo, 14 boluntario di Club Kibrahacha a participa n'e workshop cu a tuma luga na su cede na Piedra Plat.

E boluntario nan di Club Kibrahacha a haya e workshops hopi educativo. E informacion y conocimiento aki sigur nan lo hibe den nan trabou diario na Club Kibrahacha.

Diasabra tambe e team di Club Kibrahacha hunto cu un grupo di 8 hoben boluntario di Rotaract, a participa n'e seminario cu a tuma luga na Cas di Cultura.

Ariba e dia aki Club Kibrahacha tabata presente cu un stand di informacion.

Durante henter dia tabata tin hopi interes pa informacion cu a ser duna ariba e servicionan cu Club Kibrahacha ta ofrece.

Durante e presentacion tambe hunto cu e oradornan internacional y local, Club Kibrahacha tabata tin e honor di por a presenta su vision y duna un splicaion di e diferente servicionan y actividadnan cu Club Kibrahacha ta ofrece na tur persona cu edad di 60 plus di Aruba.

Durante e presentacion, e hoben Kelsey Arends, Project coordinator na Club Kibrahacha, a elabora tambe ariba su rol y e necesidadnan cu e fundacion ta señala cu ta importante p'e maneho di e ouderen beleid di Aruba.

Tambe Arends a elabora ariba e investigacion cu Club Kibrahacha 60+ a hasi rib'e necesidadnan di su clientenan.

Actualmente e Fundacion a caba di inicia cu un investigacion rib'e temanan cu ta trata e necesidadnan di e grandinan den nos comunidad ariba nivel nacional.

E investigacion aki ta bay den consulta cu tur e partners cu ta envolvi rib'e tereno aki.

Den e investigacion aki, ta bay haya mas detayes di e necesidanan di nos grandinan tambe riba temanan di stigma y limitacion, cu ta pasa ora un persona yega e edad di 60+ of haya limitacionan fisico.



Na final di e atardi tur hende a keda soprendi ora cu e organisadornan di Movimiento ta Bida a duna reconocimiento na tres persona cu a dedica hopi aña di nan bida na trabou boluntario. Club Kibrahacha a keda un biaha mas honra cu reconocimiento di sra. Irene Robles de Medina cu a ricibi e bunita reconimientu aki. Sra Robles de Medina tin 32 aña trahando como boluntario na Club Kibrahacha.

Jilka de Nobrega, di Club Kibrahacha tabatin su bunita palabranan di aprecio pa sra. Robles de Medina den nomber di e Fundacion. Club Kibrahacha ta bon conoci den e comunidad di Aruba pa su bon trabou cu ta wordo desplega hunto cu tur su boluntarionan. E fundacion t'e centro di actividad na Aruba pa 60 plus cu ta promove participacion di 60+ den cominidad arubano.





# Hunto nos ta celebra storia y ilustracion



**BIBLIOTECA** Nacional Aruba ta contento di por a forma un grupo di escritor di buki pa mucha, ilustrador y contador di storia cu hunto ta duna e di 25 edicion di Festival di buki pa mucha su forsa y diversidad.

Biblioteca ta yama bon bini na Gabriel Mercera (Tio Gabi) y Kathleen Thielman for di nos hermana isla Boneiro.

(Tio Gabi) Gabriel Mercera ta un musico y poeta y ta gusta trece su mensahe pa medio di musica. Y Tio Gabi ta gusta rima.

Tio Gabi ta gusta haci hende contento pa medio di musica y ta uza esaki pa yega na mucha y hende grandi.

E ta toca diferente instrumento den su lesnan acompaña cu poesia ritmico y ta uza e medio aki specialmente pa yega na mucha cu mester guia.

Kathleen Thielman-Winklaar ta un juffrouw di scol pa 16 aña caba na Boneiro.

E tin grupo 2 cu tin 30 mucha den klas, y e tin su programa pa mucha na radio.

E ta gusta conta storia na fiestanan di mucha.

Juffrouw Kathleen ta bay conta storia for di su prome buki 'Ban e fiesta grandi cu nos'.

E ta spera cu tur mucha di Aruba ta haya oportunidad pa lesa e buki aki.

Otro storia cu e ta bay conta e muchanan di Aruba ta 'Boli y sapu tin miedu'.

Kathleen Thielman a pone tur su pasion pa skirbi storia pa mucha den e produccion aki.

Ya pa 25 aña biblioteca ta trece mucha hunto pa scucha storia, stimula lesamento y conoce autor y ilustrador pa medio di un festival grandi.

Apertura di e festival ta diabierna dia 3 di november.

Muchanan di Sint Paulusschool y diferente otro grupo ta duna un bunita presentacion riba stage pa yama tur autor y ilustrador bon bini.

Den siman di 6 pa 10 di november lo tin bishita di scol y merdia tin actividad na biblioteca. Tur mucha ta bon bini y presentacionnan ta gratis.



# AWEMainta



[www.facebook.com/awemainta](https://www.facebook.com/awemainta)



Online

Risibi AWEMainta Newspaper Online  
Bishita Nos riba <https://www.facebook.com/AWEMainta/>



# E workshop di IDEA “Shift Your Mindset, Save Your Business” tabata bon atendi



**DIA** 14 october 2017, IDEA (Iniciativa pa Desaroyo pa Empresa Arubano) a organisa e workshop “Shift Your Mindset, Save Your Business”.

E orador di e workshop tabata sra. Michele Brooks, owner y managing director di PJ Consulting Group VBA.

Sra. Brooks ta un ‘motivational speaker’ cu hopi aña di experiencia den diferente conferencia grandi na Aruba y den exterior. Su compania ta duna diferente servicio e.o.: Human Resources Management, Customer Service Training, Leadership & Management Development, Labor Relations, Organization Effectiveness, Executive Development, Action Research, Conflict Management, Group Facilitation, Managing Resistance to Change, Organizational Restructuring, Project Management y Team Building.

Sra. Brooks su meta ta pa inspira cambio den persona y organisacion.

Den e workshop aki, sra. Brooks a inspira e participantenan y a motivanan den diferente manera.

El a pone hopi enfasis rib’e “10 things that require zero talent” y tambe rib’e “7 Role-Model Traits”.

Un workshop sigur hopi interactivo y un tremendo presentacion di parti Sra. Michele Brooks.



Un total di 33 persona a participa den e workshop.

Idea ta sumamente contento cu e acogida di e workshop y e bon comentarionan ricibi di su participantenan.

Tambe Idea kier remarca cu nan workshops ta gratis y ta dedica na un y tur cu kier cuminsa un negoshi of tin un negoshi existente y kier educa nan mes riba diferente topico comercial.

Un danki na tur e participantenan y un danki special n’e presentador voluntario cu

a comparti su experticio durante su ora liber cu tur esnan presente.

Idea ta gradici ‘Gianni’s Group N.V.’ inmensamente cu nan a sponsor IDEA cu un giftcertificate p’e presentador y tambe un gradicimento pa tur e coleganan di DEZHI cu a yuda na un of otro manera.

Keda pendiente pa mas workshop den luna di november venidero, cu lo wordo organisa dor di IDEA.

Bo kier keda up-to-date cu IDEA? Like nos Facebook page: Idea-Aruba.



Paranda di Balashi ta continua

# Rincon Boyz ta cla pa pone ambiente diabierna awo



**DIABIerna** dia 13 di october e Paranda di Balashi a inicia hunto cu e apertura di Na Drempe di Fin di Aña, y pa 10 siman largo e bandanan Grupo di Betico y Rincon Boyz lo ta tocando na diferente luga. Diabierna awo 20 di october ta e di dos siman cu Paranda di Balashi ta continua na Mangel Halto.

E anochi aki Rincon Boyz y Metropolis lo ta poniendo ambiente na Mangel Halto pa tur hende. Lo bay tin prijs special e anochi aki riba productonan di Balashi.

Asina ta, yega na Mangel Halto pa 7:00 PM diabierna awo y bin disfruta di e productonan di Balashi, pero tambe di e dushi ambiente di Rincon Boyz y Metropolis.

Ban cuminsa prepara p'e temporada di Pasco y Aña Nobo.



# MEP a gradici su 'checkers' cu a controla tur urna dia 22 september



**DIAMARS** ultimo, no solamente tabata un dia special pa partido MEP n'e momento cu e Acuerdo di Formacion a wordo firma p'asina cuminsa cu e fase di Programa di Gobernacion, sino tambe tabata un dia sumamente importante pa MEP ora cu e checkers a wordo gradici pa e trabou elocuente cu nan a haci durante eleccion dia 22 di september.

Presidente di Partido, dr. Gerrit Croes a duna un discurso cortico y a gradici tur esnan presente. El a duna un splicacion di kico a bay bon y malo y kico por mehora p'e proximo eleccion. Sr. Gerrit Croes tambe a haci un apelacion pa tur presente keda den contacto cu partido y yuda den directivanan di bario unda nan ta pertenece.

"E trabou pa controla cada urna den tur districto no ta uno facil, sinembargo e cooperacion cu nos a haya di boso, cu a pone boso mes disponibel ful e dia, tabata enorme.

P'e motibo aki, ami, den nomber di lider di MEP, sra. Evelyn Wever-Croes y Partido MEP, ta yama cada un di boso danki pa boso trabou di controla cada urna durante e eleccion," dr Croes a bisa.

Secretario General di MEP, Xiomara Ruiz-Maduro tambe a hiba palabra y a gradici tur presente p'e forma parti di e cambio cu awe nos a logra. Como ultimo, tur candidato presente a duna un gradicimento final especialmente na tur esnan cu a yuda nan na nan respectivo urnanan. E encuentro di checkers a tuma lugar na Piedra Plat Entertainment Center.



## Contròl di tráfico, violacion di Ley di Arma y Ley di Opio

**WILLEMSTAD** - Diamars 17 di òctober 2017, 'Hato Politie' (cu ta consistí di personal di Korps Politie Curaçao y Koninklijke Marechaussee) conhuntamente cu 'Airport Police' e unidad di 'Curaçao Airport Partners' y personal di Aduana a tene contròlnan respectivamente di; tráfico, violacion di Ley di Arma y Ley di Opio, den área di Aeropuerto (Hato).

E contròlnan aki a tuma lugar entre 13.45 or pa 14.45 or.

A controlá tanto vehículo como persona. Un total di 76 vehículo a keda controlá y a partí un total di 9 procèsverbal p'e siguiente infraccionnan e.o. manehá un vehículo; sin rijbeweis bálido, sin seguro bálido, sin carchi di keùr/caducá, sin number pagá y sin faha di seguridad bistí.

E contròlnan aki ta continuá.

## Intento di ladronisia y un di e sospechosonan a keda alcansá pa bala procedente di un arma reglamentario di Polis

**WILLEMSTAD** - Diamars 17 di òctober 2017, alrededor di 11.35 or, Central di Polis a haña notificacion cu tres suheto ta hòrtando den un cas na Diamantweg. Mesora Central di Polis a dirigí un unidad policial n'e sitio.

Na yegada di e unidad policial n'e sitio, e sospechosonan tabata den e cas ainda. Na momento cu nan a nota presencia di Polis nan a core sali for di e cas, un di nan tabatin un arma di candela den su man.

E agentenan a duna nan òrdo pa nan para, nan no a duna oido y a sigui core. Pa detené e sospechosonan e agentenan a duna nan advertencia, pero nan a sigui core. N'e momento ey e agentenan a tira dirigí riba nan.

Bala a alcansá un di e sospechosonan na altura di su bariga. Ta trata di e sospechoso másculino K.J.B. nacé na Còrsou di 21 aña di edad, kende a keda detené n'e sitio.

Ambulance cu a presentá n'e sitio a transportá e sospechoso pa SEHOS pa tratamiento médico.

A presentá e sospechoso dilanti un Fiscal auxiliar kende a ordená su encarcelamento pendiente di mas investigacion. E investigacion ta continuá.

## Caso di secuestro cu maltrato



**WILLEMSTAD** - Diámars 17 di òctober 2017, alrededor di 20.22 or, Central di Polis a haña notificacion cu un hòmber a secuestrá su casá riba Sta Rosaweg y hinké den baul di auto bay cuné.

Mesora Central di Polis a dirigí un unidad policial n'e sitio. Continuando cu e investigacion e patruxa di Mantencion di Orden Público a bay na cas di e sospechoso.

N'e momento cu e patruxa tabata eynan e víctima (dama) a sali core for di e cas y pidi auxilio.

Polis a constatá cu e dama tabatin varios herida na su garganta y bou di

su pecho robes. Despues a resulta cu ta trata di hincanan cu e sospechoso a propine cu schroefdrai.

Ambulance cu a presentá n'e sitio a transportá e dama víctima pa SEHOS pa tratamiento médico.

Diaránzon 18 òctober 2017 alrededor di 00.27 or di madrugada Polis a detené e sospechoso U.G.L.B. nacé na Còrsou di 32 aña di edad riba e cruzada Caminda George Willems/Caya Ancelmus Boy Dap sospechá di secuestro y maltrato cu arma.

A presentá e sospechoso dilanti un Fiscal auxiliar kende a ordená su encarcelamento pendiente di mas investigacion.

## Clyde van Putten a pidi disculpa pa deseo di morto pa Hulandesnan

**WILLEMSTAD** – E politico di Sint Eustatius, kende un tempo tabata forma parti di Parlamento di Antia, Clyde van Putten, a tira un bòm den e relacionnan entre Hulanda y su isla cu su declaracion cu si Hulanda manda soldá su isla, e ta laga mata nan y kima nan riba caya pa tur hende mira.

Gobierno Hulandes a haci un keho oficial na Ministerio Publico di BES y posiblemente ora el a realisá gravedad di e expresion aki, el a ofrecé su disculpa na pueblo di e isla cu su declaracion pa cual e ta tuma responsabilidad total si e mester bay dilanti Huez.

Ta den cuadro di su lucha pa mas autonomia p'e islanan di BES, e politico a declará cu e lo laga mata e militarnan

Hulandes y kima nan den cayanan di e isla.

Esey ta cu si Minister Ronald Plasterk manda mas solda Hulandes. Clyde van Putten a declara cu e ta kere cu e declaracion cu el a haci tocante di mata y kima solda tabata inecesario y censurabel y cu e tin cu distancia su mes for di e declaracion aki.

E ta lamentá masha cu den su emocion el a bisa e cos ey y el a pidi disculpa humilde.

Wèl e no ta pensa di sali for di politica, pasobra e lo sigi bringa pa mas autonomia pa islanan BES.

Aunke varios media social a pidi pe baha como politico, el a rechasá e idea aki.



# Lo bay organisá cumbre pa piscadornan local fin di luna



**WILLEMSTAD** – Entre e diferente actividadnan cu ta tuma lugar den Siman di Medio Ambiente y Naturalesa, Minister Camelia -Römer a reuni cu e cooperativa uni di piscador y tambe algun di esnan cu no ta asociá.

Esaki ta un grupo cu ta duna un aporte grandi na nos alimento di tur dia. E grupo a trece vários punto di preocupacion dilanti serca sra. Camelia Römer. E palabracion di ayera tabata, cu Minister Camelia -Römer ta bay traha riba un structura duradero y p’e motibo ey lo organisá un cumbre di pesca caminda tur grupo di interes por participá. E cumbre aki lo tuma lugar dia 31 òctober 2017.

Riba e potrèt nos por mira e grupo grandi di piscadornan cu a duna oido n’e invitacion pa papia.

## Detencion di dos sospechoso

**WILLEMSTAD** - Continuando cu e investigacion relacioná cu e ladronisia na Diamantweg dia 17 di òctober 2017, Polis a haci dos detencion. Diaranzon 18 di òctober 2017 alrededor di 10.44 or, despues di a rondoná un cas na Caya Nubia Polis a detené e hombernan: G.C.M. di 21 aña di edad; K.M.B. di 22 aña di edad, ámbos nacé na Còrsou, como sospechoso di e caso ariba mencioná.

Durante investigacion den e cas na Caya Nubia Polis a haña y confiscá: Un kashi di un arma di candela; Un rifle; Tres saco cu simia di marihuana; Mata di marihuana; Un carson còrtico manchá na sanger, cu ta cuadra cu e paña cu e sospechoso tabatin bistí na momento di e intento di ladronisia.

Durante detencion di e sospechoso K.M.B. e agentenan a nota cu e tabatin un herida di bala na su atras. E sospechosonan aki den oranan di ayera mainta tabata lòs bala den laira den e área di Sero Fortuna.

A presentá e sospechosonan dilanti un Fiscal auxiliar kende a ordená nan encarcelamento, pendiente di mas investigacion.

# Asuntonan Social y di Trabao ta expandé provisionnan

**KRALENDIJK** - E unidad di Asuntonan Social y di Trabao (SZW), den su afan pa reconocé e necesidadnan pa habitantenan di Saba, Sint Eustatius y Bonaire, ta trahando duro pa expandé su provisionnan mas tanto posibel denter di e límitenan di ley. P’esey ta tuma medidanan special. Un di e medidanan special cu e unidad di Asuntonan Social y di Trabao a implementá for di despues di e pasada di e orcannan Irma y Maria, t’e procesamiento rápido di peticionnan pa articulonan duradero, incluyendo cama, frigidaire, stove, fan y wasmashin.

Cu placer e unidad di Asuntonan Social y di Trabao ta informá público cu e pago di e promé articulonan duradero, lo tuma lugar e siman aki di 16 pa 20 di òctober. E distribidor di SZW lo entregá e articulonan

y si ta necesario (manera usual) un persona cu SZW contratá lo tuma e artículo cu wòrdo remplasá tambe.

Dor di e demanda halto p’e ònderstand special, SZW no por laga su distribidornan local cumpli cu cada peticion.

P’esey entrega di e articulonan lo ta basá riba e urgencia y e fecha di e peticion. Ta cumpra tur sobrá artículo na Còrsou y lo transportá nan cu e barco di Marina ‘Karel Doorman’ via Sint Maarten. “Nos ta aspirá pa transportá e articulonan riba 22 di òctober, cu yegada un siman despues dia 28 di òctober na Sint Maarten.

Asina e articulonan yega Sint Maarten, militarnan lo baha nan for di e barco y manda nan Saba y Sint Eustatius,” segun Margreth de Groot, Hefe di Unidad di SZW.

## ‘Beach Tennis Bonaire’ a colaborá cu JICN



**KRALENDIJK** - Diadomingo 15 di òctober Instituto Hudicial Hulanda Caribense (JICN), den colaboracion cu ‘Beach Tennis Bonaire’, pa di 4 biaha a tene e campeonato sera di beach tennnis entre e murayanan di e instituto.

Pa un aña caba tin un colaboracion entre JICN y ‘Beach Tennis Bonaire’. Cada kwartal ta organisá un torneo entre 6 participante den grupo di tres.

E motibo mas importante pa organisá e torneonan pa kwartal aki ta pa baha e drèmpel pa tanto detenidonan como pa hendenan pafó di e instituto.

Dor di trece e mundo di pafó paden, ta crea e contacto y e envolvimento mutuo.

Di otro banda ta conta mescos; dor di laga e mundo di pafó sera conocí cu e detenidonan, ta bira mas fácil pa yega na otro. Esaki ta importante despues di e temporada di detencion pasobra regreso

den sociedad no tur biaha ta fácil p’e èx detenidonan. E tipo di colaboracionnan aki ta percura pa un mihor coneccion den y cu sociedad.

E obhetivo aki ta pas den e maneho di JICN. JICN ta traha duro pa prepará detenidonan mas mihor posibel pa un regreso exitoso den sociedad.

Den e instituto nobo lo iniciá e programa: ‘Ban pa Cambio’. Cu esaki detenidonan por obtené un diploma di nivel MBO1 (horeca, ‘groen’ òf construccion) p’asina nan tin un chèns mas grandi riba mercado laboral.

E iniciativa aki ta duna un bista di un colaboracion positivo entre JICN y ‘Beach Tennis Bonaire’ y por mir’é tambe como un bunita promé paso den direccion di e industria y comercio p’asina stimulá nan tambe pa duna èx detenidonan un chèns den sociedad despues di nan temporada di detencion.





Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403


Señor a ripara cu bo a cuminsa cansa  
y cu un recuperacion no tawata e mihor solucion.  
P'esey Señor a brasa bo fuerte y den bo horea El a bisa  
bo: "BIN CERCA MI."

Cu awa na wowo nos a mira con pocopoco bo tawata  
aleha for di nos.

Y maske nos ta stima bo di henter nos curason,  
nos no por ta asina egoista pa obliga bo keda.  
Un curason di oro a stop di bati. Mannan cu semper a  
traha duro a bay descansa.

Señor a kibra nos curason pa muestra nos cu E ta e mihor  
so E ta scoge pa biba den su reino.

Cu inmenso tristesa pero agradecido pa tur locual el a  
haci y nifica pa nos,  
nos ta anuncia fayecimento di nos ser kerí:



## RITA CLOTILDA ARENDSZ – CROES

mihor conoci como "Ita"  
\*03-06-1947 †13-10-2017

Na number di su:

Casa : Edwin Pedrito Arendsz

Yiunan: Irwin y Shelly Arendsz-Rodriguez  
Egbert Arendsz

Unico nieto stima Kyle y Sammantha Arendsz-Davis  
manera yiu

Mayornan: †Frans y †Anna Maria Croes- de Mey

Suegronan: †Antonio y †Ermelita Arendsz-Bislik  
Tanta: Manie Croes

Rumannan: Lucia y Boy Croeze-Croes  
Ovi y José Croes-van Hoek  
Olivia y Nico Duarte-Croes  
Elsie y Ronny Croes-Croes  
Robby y Melva Croes-Yanez  
Evelyn y Franklin Ruiz-Croes  
Vda. Benita Britt-Croes  
Des Croes  
Rina Croes  
Edgar y Wina Croes-Werleman  
Vda. Edna Meelis-Arendsz  
Walter y Sheila Arendsz-de Cuba  
Vda. Aura de Cuba-Arendsz  
Erica Arendsz  
†Diana y Remigio Wever-Arendsz  
Edwina y John Fellerhoff-Arendsz  
Eric y Ludwina Arendsz-Kock  
Imelda y Jorge Medina-Arendsz  
Franklin y Ineke Arendsz-Rijnders

sobriño-/sobrinanan: Haime, Wendy, Enid, Alan, Edith,  
Indra, Sergio, Iraida, Jorge, Ronella, Ernon, Silvia, Cedric,  
Renzo, Liza, David, Daniella, Nicole, Cindy, Marcel, Giselle,  
Rouel, Randolph, Aldrick, Gina, Juan, Jane, †Rene,  
Suzette, Franklin, Michael, Alwyn, Ricky, Remi, Raymond,  
John Jr., Ilonka, Echi, Derick, Jordan, Anthony, Gino, Alissa  
amigonan di cas: Rosly y Roly Werleman  
Miriam y Mario Everon

Ta invita demas famia, bisiña y conocinan pa acto di  
entierro cu ta tuma lugar Diasabra 21 di october 2017 pa  
4 or di atardi na Misa Inmaculada Concepcion na Santa  
Cruz. For di 2 or e restonan mortal lo ta reposa den misa.

Oportunidad pa condolencia: Diabierna 20 di October  
2017 di 7'or - 9'or na Aurora Funeral Home  
Ta lamenta cu despues di entierro no por ricibi bishita di  
condolencia na cas.  
Lo tin un box disponibel pa Dialyse Kliniek.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Cu inmenso dolor na nos curason,  
pero cu conforme cu tur loke ela significa pa nos,  
nos ta anuncia fallecimiento inespera di:



## Alberto Efigenio Wernet

\*21 September 1930 – †14 October 2017  
na edad di 87 Aña

Na number di su:

Estimada esposa:

Eufrani (Franie) Wernet – Kelly

Yiunan cu ta stime un mundo:

Clara (Mena) Wernet

Roberto Wernet

Efe Wernet y Angela

Lucia (Lulu) y Cado Wever

Nieto-y nietanan na Aruba, Hulanda, y London:

Janice y Kenrick, Carol y Gregory, Jasmin y Garrick,  
Michael, Miranda y Roelof, Junior y Indira, Chris, Jason,  
Denise y Mark, Youri y Silke, Tyrick, Tarysse

Mescos su nietanan:

Gineally, Xeliany

Isabella

Bisnietonan:

Noah y Sophie, Sean y Alvin y John, Chloé y  
Carrick, Chayenne, Joan y Robin, Zylon y Zion y Zayron y  
Zaqion y Zyrick, Hailey y Mason

Rumannan:

†Marie, †Laurens Dirksen y famia

Mamita, †Bartolo Dirksen y famia

†Fabia, Alfonso Croes y famia

†Luis, †Mylady Wernet y famia

Ely y Chimbo Gomes y famia

Celedonia Maduro

Swa:

†Mario, †Belen Kelly y famia

Ihanan:

Evelina, Mevis, Sixto, Efe, Ludwina, Chenta, Roland, Ellis,  
Irvin

Grupo Walishali, Legion di Maria, y ex coleganan di Lago

Demas sobrino y sobrinanan, primo y primanan

Amigo y amiga nan di cas: Gina, Candy, Nicomeda, Susy y  
Chenta

Demas Famia: Wernet, Kelly, Wever, Dirksen, Croes,  
Gomes, Maduro, Rafine, Arends, Walters, Van der Veen,  
Rincones, Henriquez, Geerman, Henricus, Hurtado-Leon,  
Boekhoudt, Dull, Camara, Wester, Britten, Van der Linde,  
Thijzen

Ta invita tur familia, bisiña y conocirnan pa asisti na e  
acto di entierro cu lo tuma lugar:  
Diahuebs 19 di October 2017.

Di 2:00or pa 4:00or defunto lo ta na Misa Imaculada  
Concepcion Sta. Cruz.

4:00or lo tin un misa pa despues hibe na su ultimo lugar  
di sosiego.

Adres pa condolencia:

Diarazon 18 October 2017 di 7:00pm – 9:00pm na  
Aurora Funeral Home

Enbes di flor of krans, un donacion pa grupo Walishali lo  
ta altamente aprecia.

Nos ta lamenta cu despues di entierro nos no por ricibi  
bishita di condolencia na cas.

Nos kier a pidi nos disculpa si den nos tristesa nos por a  
lubida un of otro number di famia.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

"Ki ora cu mi bai drumi mi ta pega soño na pas  
pasobra, Señor, abo so ta lagami biba tranquil"  
Salmo 4:8

Cu inmenso tristesa na nos curason, pero  
conforme cu boluntad di Dios nos ta participa  
fayesimento di nos Ruman, Tanta, Prima y Amiga  
stima:



## Sra. Belkis Parisca Flores

Cariñosamente jama "Ties"

\*22-05-1959 †15-10-2017

Na number di su:

Mayornan: †Sixto "Capeis" Flores  
†Wilfrida "Baby" Flores-Maduro

Rumanan: Lorenzo y Marcia Flores  
Gino y Raquel Flores  
Gina Flores

Manera Ruman Igor Hasham y Famia

Subrinanan (o) Stima Sixta Lorene "Nen" Flores  
Izumi Flores  
Gabrielle Flores  
Gian Flores

Tanta y Omonan

†Emilio y Guillermina Maduro y Famia  
†Judith y †Hendrick Bermudes y Famia  
Joseline "Linchie" Maduro y Famia  
Sixta "Ita" Flores y Famia  
†Igidio "Buchi" Flores y Famia  
†Silvia Flores y Famia  
Eli Angela-Ponson y Famia  
†Armando Flores y Famia  
†Juan Patricio "Tito" Flores y Famia  
Vera Brion y Famia  
Ana Leonor "Betty" Flores  
Jolanda y Nelson Winkelaar y Famia  
Jany Flores y Famia

Su Madrina Dora Palm y Famia  
Ayudante Rosalba Garcia  
Su prima/Ayudante Soledad Bermudes  
Amigo di Cas Rockson Kelly  
Julian Pers

Mihor amiganan Elsa Krozendijk  
Prisca Croes  
Betty Werleman

Su ihanan, primo y primanan, amigo y amiganan,  
comer y compernan, conocirnan y coleganan di  
Bibliotheca National di Aruba y demas famia:  
Flores, Maduro, Paula, Chin-a-loi, Croes, Hernan-  
dez, Bermudes, Faneyte, Ponson, Brion, Winklaar,  
Padron, Franca, Henriquez, Boye, Everon, Marin,  
Cicilia, Williams, Thode, Palm, Pablo, Schoppema,  
Chirino, Eman, Dennert, Thiel, Lacle-Herera, Petit,  
Hasham y demas famia

Si en caso di nos tristeza nos por a lubida algun  
persona of famia, nos ta pidi nos mas sincero  
disculpa.

Oportunidad pa condolencia y acto di entierro lo  
tuma lugar Diasabra 21 di October 2017 di 9or pa  
11or di mainta na Aurora Funeral Home. Despues  
lo sali pa Santana na Sabana Basora.

Despues di acto di entierro, lamentablemente, nos  
no lo ricibi bishita di condolencia na cas.  
Cu nos querida Ties, drumi dushi den braza di  
Señor





Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Mi ke alabá SEÑOR tur tempo,  
Su alabanza lo no kita fo'i mi boca,  
Mi alma ta gloria den SEÑOR,  
Laga humildenan bin tende y gosa.  
Canta grandesa di SEÑOR huntu cu mi,  
ban alabá SU Nombor tur huntu!  
Salmo 34

Conforme cu boluntad di Dios,  
nos ta anuncia fayecimento di :



### Beatrice Mariana Conquet

Mihor conoci como "Bea" of "Be"  
\*17-01-1938 - †16-10-2017

Acto di entierro lo wordo anuncia despues



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

"For behold this my work and my glory to bring to  
pass, the immortality and eternal life of man.  
Moses 1:39

Gone to rest i sour beloved son, brother, uncle,  
cousin and friend:



### Clyde Orlando James

Sunrise: 22nd January 1962  
Sunset: 6th October 2017

Left to mourn are his

Father: Lucien "Ato" James (St.Maarten)

Mother: †Yvy Schmidt

Sister & Brother: Rita Schmidt (Aruba)  
Lea Lynch (Holland)  
Gracita Dormoy (Holland)  
Essie Dormoy (Holland)  
Verna Gumbs (St.Maarten)  
Minerva (Holland)  
George Dormoy (Aruba)  
Ambrosio Dormoy ( Germany)

Uncle's: Stanley Tross (Holland)  
Tony Tross (New York)  
Bernard Schmidt (Aruba)

Nieces, Nephews, Cousins, Neighbours & Friend

The Late Clyde James was related to : Aalse,  
Panthophlet, Janse, Schmidt, Godett, Lynch,  
Dormoy, Tross, James, Connors, Gario, Manathan,  
Peterson, Bedeau & Labasti.

The funeral will take place on Friday 20th of  
October at Aurora Funeral Home. The late Clyde  
James will be laid out from 2'o clock in the  
afternoon in the church of Jesus Christ of the  
Latter Day Saint in Seroe Blanco ( Next to Friomax).  
Service start at 3:30 pm and after to the Central  
Cemetery in Sabana Basora.

Condolence address; Aurora Funeral Home on  
Thursday 19th October 2017 from 7 till 9'o clock.

We would like to apologize for anyone we forgot  
to mention in during this time of grief.

# Toastmaster cu un Openhouse

TOASTMASTER Internacional di Aruba ta invita tur persona pa un Openhouse di  
Toastmasters Club. N'e Openhouse aki por sera conoci cu tur e clubnan cu tin actualmente  
na Aruba.

E anochi aki ta cuminsa 7:30 pm cu un breve informacion den Aula di Universidad di  
Aruba caminda cu lo splica kico ta Toastmaster y tur presente por experiencia un sesion  
di Table Topics cual ta parti di cada reunion di Toastmasters.

Despues di esaki e oportunidad tey pa sera  
conoci cu cada club aki na Aruba y asina evalua  
cual t'e club cu lo pas mas cu e bishitante cu  
ta interesa pa bira miembro.



Cumana #44 Tel: 586-4444 / 733-2906  
E: royalfuneralhome@hotmail.com / 593-0857 / 731-5847

" Si un hende muri, lo e bolbe biba?

Tur e dianan di mi lucha lo mi spera,  
te ora Mi liberashon bin.

Abo lo yama, I ami lo kontestabo:

lo Bo anheha na e obra di Bo mannan.

Job. 14:14-15.

Cu honda pena y agradecido pa tur loke e la haci y  
nifica pa nos, nos ta anuncia fayecimento  
inesperadamente di nos difunto stima:



### Martin Hector Faustin

Mihor conoci como "Faustin"  
28-06-1953 – 14-10-2017

Na number di su:

Esposa: Maria (Lena) Faustin Rasmijn

Su yui: Bithiah Croes Faustin y esposo Jairo Croes

Su nieta: Azaliah Croes

Su rumanan:

Fortuna Edwards

Clive & Martha Faustin y yui

Kenneth & Gladys Faustin y yuinan

Leila Faustin y yui

David & Joel Faustin y yuinan

Nathan & Deborah Faustin

Su omo y tantanan:

Theresa Trim & Famia

Pauline Couloute & Famia

Catherine Julien & Famia

Ceceilia Licien

Richard Lubrun & Famia

George Jonas & Famia

Ignatius Trim & Famia

Su swa y cunanan:

Olga Schwengle & yuinan

Isidro & Magriet Rasmijn & yuinan

Narciso & Lusalba Rasmijn & yuinan

Pedro Rasmijn & yuinan

Jacinto & Oneida Rasmijn & yuinan

Regina & Theo Martijn & yuinan

Maria Rasmijn & yuinan

Rita & Daniel v/d Linde & yuinan

Sabina & Gino Daal & yui

Eileen Rasmijn & yui

Su consuegra:

Frida Croes

Tur su sobrino y sobrinanan.

Su bon amigonan Carlos, Leandro y Giancarlo y Trini.

Su coleganan stima di Divi Links.

Demas Famia: Faustin, Felicien, Rasmijn, Trim,  
Alfred, Labadie, Augustin, Schwengle, Martijn, v/d  
Linde, Daal, Riley, Jean Baptiste, Mohamed, Fernandez,  
Croes, Lugay, Wever, Charles. Tur surumanan testigo-  
nan di Jehova di congregacion Pabilon y Brazil. Ta  
invita pa acto di entierro cu lo tuma lugar Diahuebs 19  
October 2017 di 9or pa 11 di mainta na Royal Funeral  
Home. Discurso lo tuma lugar pa 10:15. Condolencia  
lo ta diaranson 18 October 7pm- 9pm



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

"Dios ta amor.....y amor ta Dios,  
Maske mi no ta na e mundo aki  
tur dia lo mi ta banda di boso curazon,  
mi por stens loke Señor ta hasi".

Cu tristesa na nos curazon, pero agradecido pa su  
stimacion y tur loke ela nifica pa nos durante su  
bida,

nos ta participa fayecimento inespera di:



### Filomena (Mena) Croes-Boekhoudt

\*Juni 11, 1948 † Okt 16, 2017

Na number di su esposo: Julio (Jule) Croes

Rumanan:

† Sr. Celestiano (Chani) Boekhoudt y famia

Sra. Vda Jolanda Kelly-Boekhoudt y famia

† Sra. Ida Erasmus-Boekhoudt

† Sr. Augustin (Chin) Boekhoudt

Sr. Efraim Felix (Fenchi) Boekhoudt

Tanta di respet: Sra. Vda. Maximina Kelly y famia  
Sra. Vda. Florita Kelly y famia

Cuña: Sra. Vda Juliana Boekhoudt-Erasmus y famia

Sobrino y sobrinanan:

Lucky Boekhoudt, Marcia Boekhoudt, Sidney

Boekhoudt y famia

Lucie Kelly, Edna Didier-Kelly y famia, Nando Kelly

y famia, Selma y Janet Kelly-Kelly y famia.

Demas Sobrino y sobrinanan:

Milton Croes y famia, Orayma Croes y famia, Rafi

Croes, Gregy Croes y famia, Omar Croes.

Tur Cuña y Swa nan, Primo y prima nan, bisinja

nan, amigo y conocirnan.

Demas Famia: Boekhoudt, Kelly, Croes, Navas, de  
Mey, Bremo, Didier, de Cuba, Werleman, Geerman,  
Feliciano, Erasmus.

Nos ta invita tur hende pa acto di entierro cual lo  
tuma lugar Diabierna 20 oktober 2017, 9'or pa  
11'or di mainta na Aurora Funeral Home. Despues  
saliendo pa Santana Catolico Pastoor Kranwinkel  
na Paradera.

Nos ta pidi nos disculpa si den nos tristesa nos por  
a lubida un of otro famia.

Nos ta lamenta cu despues di entierro nos no ta  
ricibi bishita di condolencia na kas.



## "Hector e bondadoso"



Bo no a bisa adios y a opta pa bay drumi,  
sin por a sospecha cu den soño lo bo muri.  
Bo morto repentino a egendra tanto amargura,  
y causa heridanan profundo qu tanto lo bay dura.

Awe nos ta expresa danki entorno bo generosidad,  
entorno bo cariño, bo bondad y bo gran amistad.  
Bo recuerdo nos lo conserva den nos pensamiento,  
y pronuncia bo nomber cada dia y tur momento.

E rastronan imborable di bo recuerdonan vigente,  
lo habitá den nos memoria si fuera bo ta presente.  
Mescos qu bo a stima otro, asina nos lo stimabo.  
Pesey nos ta yorabo maske nos lo bolbe mirabo.

E curazonnan qu ta cargabo nunca ta bay drumi.  
Na soño tambe nos lo stimabo te qu nos lo muri.  
Danki Hector pa bo cariño, fabor y gran curazon.  
Morto ta traicionero y cruel pero nunca tin razon.

Yehovah nunca a yama su sirbidornan pa defunto.  
Den su memoria tur ta bibo y cu nan abo ta hunto.  
Nos a yora bo baidá y ken sa cuanto mas bo ausencia.  
Y e multitud qu bo a invita a expresa nan  
condolencia.

Si asina tanto hende a stimabo, di berdad bo ta bon.  
Y como yiu di Adam di bo errornan bo ta haya  
pordon.  
Yehovah ta stimabo y lo corda di bo den e resurecion.  
No falta mucho Hector, tras di porta ta nos salvacion.

Daniel van der Linde

## Lotto ta yuda Fundacion Liga Infantil di Futbol di Aruba, LIFIDA cu un computer



**LOTTO** semper ta purba contribui cu tur federacion, organisacion y/of instan-  
cianan deportivo sea cuando esakinan ta den nesecidad di un of mas material  
cu nan mester pa por sigui traha na bienestar di e deporte cu nan ta representa.

Recientemente St. Fundacion Lotto pa Deporte a haci entrega di un check pa  
cumpra computer na Fundacion Liga Infantil di Futbol di Aruba, LIFIDA cu  
tabatin mester di uno pa nan oficina. Awendia t'e tecnologia ta importante y  
Lifida den e caso aki no kier keda atras y tabatin mester su computer p'asina  
nan por sigui traha.

Presidente di Fundacion Lotto pa Deporte, sr. Di Stefano Wernet RA tabata  
masha contento di por contribui cu LIFIDA p'asina na haya un computer  
nobo. Manera su persona a bisa; "Lotto no solamente ta contribui cu material  
di deporte, pero tambe cu material di oficina y ta contento cu awor Lifida lo  
tin su computer".

E aña aki e organisacion di LIFIDA a celebra e hecho cu 30 aña pasa nan a  
organisa e prome torneo di futbol infantil enconexion cu e celebracion di nos  
Himno y Bandera 18 di maart. Trinta seleccion nacional di futbol U-13 a bataya  
den e encuentronan di futbol na nivel internacional relaciona cu e celebracion  
di e 'Torneo Internacional Aruba Himno y Bandera 18 Maart'

# Ricibi AweMainta tur dia den bo Inbox

Registra awo!  
Manda bo e-mail na  
[noticia@awemainta.com](mailto:noticia@awemainta.com)





## Ganadornan di torneo Nationals den deporte di bowling ta conoci



**DURANTE** 4 dia largo, Eagle Bowling Palace a host e torneo di Nationals di bowling unda Aruba su mihot bolicheronan a competi contra di otro den e diferente categorianan.

Di e categorianan di Pee Wee, Juniors, Hubenil, Mayor, Senior y Super Senior tur tabata bon unda nos mihor hungadornan a sa na duna bon bataya p'asina termina mas halto cu ta posibel den e ranking final.

Mester bisa cu pa Federacion di Bowling, ARBAS, e resultado di e Nationals a determina e pre-seleccion di Aruba p'e aña 2018 den bowling unda Aruba tin algun compromiso hopi importante internacionalmente.

Pa loke t'e resultado di e ganadornan den e diferente categorianan nos tin e mas chikitonan, esta Thyshawn Dammers den Pee Wee male y Xyqianthe Leonardo den Pee Wee female. Pa loke t'e categoria Junior nos tin Edguar Suarez den Junior male y Xante Lobbrecht den Junior female, mientras den e categoria Youth nos tin Yannick Roos den Youth male y Bianca Suarez den Youth female.

Den e adultonan sigur masculino nos por mira bek un cara conoci a triunfa bek, nos tin Jason Odor den Adult male y Vanessa Valdes den Adult female. Pa loke t'e categorianan den Senior nos tin Roque Jacobs den

Senior male y Maya Werleman den Senior female, mientras den e veteranonan nos tin Fanchi Oduber den Super Senior male y Edna Maduro den Super Senior female.

P'e proximo aña, nos bolicheronan ta en busca di clasificacion importante manera e Pan Americano 2019, Weganan Odesur 2018 y tambe Weganan CAC 2018 sin lubida e PABCON y e Mundial di Bowling sin lubida e torneonan internacional importante pa nos hobennan.

Un danki ta Lotto, e loteria di Aruba cu pa medio di Comision di Subsidio a subsidia e torneo di Nationals organisa p'e Federacion di Bowling ARBAS.



# Lotto ta desea AVB y e clubnan participante hopi exito cu campeonato di futbol temporada 2017 – 2018



**DIABIerna** ultimo bou di un interesa grandi, e temporada nobo di futbol a inicia na Aruba unda a tene un desfile di tur e ekiponan participante n'e campeonato 2017 - 2018.

Pa prome AVB a inicia nan campeonato di futbol unda a combina e prome wega den Division di Honor entre RCA y Caiquetio cu un desfile di e ekiponan infantil/hubenil participando n'e temporada nobo.

Den e ultimo añanan e Federacion di Futbol AVB a trece diferente cambio den e futbol local.

Varios di nan cambio aki tabata exigencianan stipula p'e Federacion Mundial di Futbol FIFA hunto cu CONCACAF cu ta maneha e futbol den nos region.

Tur esaki ta na bienestar di e desaroyo positivo cu kier logra cu e deporte na nivel regional, continental y mundial.

Na Aruba futbol ta keda e deporte di mas grandi cu alrededor di 3000 persona practicando esaki diariamente rond di nos veldnan.

E recien Presidente re-eligi di AVB, sr. Richard Dijkhoff a hiba palabra n'esnan presente unda e tabata masha contento di a haya e confiansa di mayoria di e clubnan na Aruba pa 4 aña mas p'asina sigui traha riba e plan di maneho cu AVB tin pa loke t'e desaroyo di e futbol Arubano.

Den e proximo añanan lo kier hiba Aruba su futbol na un otro nivel y lo conta cu e ayudo

di tur e partnernan localmente involvi como tambe ayudo aheno di p.e. CONCACAF y FIFA sin lubida KNVB di Hulanda.

Lotto, e Loteria di Aruba cu pa varios aña ta un partner di Arubaanse Voetbal Bond kier a felicita y alabes desea AVB, tur e 3000 futbolistanan, e clubnan participando n'e temporada nobo di futbol, hopi exito.

N'e fanaticada di futbol corda sigui duna sosten y apoya bo organisacion favorito esaki den forma sano y den un ambiente positivo. Laga nos tur ban corda riba e slogan "Fair Play" cu mundialmente ta wordo propaganda den e deporte Rey. Tambe e slogan di Alfredo di Stefano: "No one player is as good as the sum of a team".





## Gol di Davidson Kaarsbaan ta duna La Fama triunfo riba Bubali

**DIADOMINGO** atardi e ekipo di SV La Fama a hunga su prome partido valido p'e temporada di futbol Division di Honor, caminda e ekipo di Savaneta a subi tereno contra di SC Bubali.

Dos ekipo relativamente hoben y caminda e ekipo di La Fama ta bin logra un triunfo cu anotacion minimo di 1-0 cu gol di e centro delantero Davidson Kaarsbaan, kende a anota den e prome tempo pa medio di un penalty.

Tur dos ekipo a presenta un cara nobo caminda por a mira La Fama cu regreso di entre otro Joel Rodrigues, kende a regresa cas for di e ekipo di Caiquetio y tambe por a mira otro refuerso di e ekipo den persona di Daniel Linscheer, kende a bolbe for di Hulanda.

Sin duda algun e delantero aki a impresiona den su prome encuentro cu La Fama, mostrando cu e lo bay hunga un rol importante den e temporada aki pa su ekipo nobo.

Bubali di otro banda a presenta un ekipo relativamente hoben, cu talentonan for di su propio divisionnan di Lifida, pero cu a conta cu experiencia di Theo Ruiz, kende a fungi como capitan y tambe por a mira regreso di Maurice Escalona den medio campo.

Den e prome tempo e ekipo di La Fama a hiba un dominio den e partido y tabata e delantero Daniel Linscheer, kende ta haya un oportunidad clave na di 12 minuut pa habri e marcado, pero ta mira su tiro sali net na banda.

E mesun hungador aki na di 22 minuut tabata e factor clave p'e prome gol di La Fama den e partido ora cu el a penetra den area penal y ta wordo tumba den forma irregular y aki referee mesora a pita pa pena maximo.

Davidson Kaarsbaan, kende tabata maximo goleador di La Fama den ultimo temporada a keda encarga cu e tiro y pa medio di un tiro violento ta logra di anota e tiro penal y pone e ekipo di Savaneta riba 1-0.

Bubali di otro banda tabatin problema den organisacion di su wega ofensivo y solamente a bin bira peligroso pa medio di tironan liber caminda na un ocasion un tiro di Maurice Escalona, por poco ta sorprende e keeper hoben di La Fama, Joshua Faro, pero esaki ta mishi net suficiente cu e bala cu ta pone cu e tiro ta bay raspa tubo horizontal y bay tiro di skina.

Un tiro fuerte di distancia di e delantero Daniel Linscheer di La Fama por poco a sorprende portero Dolfi Benita di Bubali cu tiro den skina riba cu e portero di Bubali ta logra pusha manda corner pa evita e di dos gol di La Fama.

Un prome tempo cu no a produci mas gol, pero caminda La Fama a mantene e bentaha aki sin problema.

Den di dos tempo por a ripara cu Bubali a cuminsa presiona un tiki mas, pero mas tanto a busca na forsa e gol di empate cu pasonan largo rumbo e delanteronan cu a crea incomodidad pero cu no a produci e gol di empate.

Portero Faro a haya su mes ta interveni na algun ocasion, pero un biaha mas e peligran cu ekipo di Noord a crea, tabata precedente di infraccionnan cu La Fama mes tabata ocasiona.

La Fama di otro banda a trata di domina e encuentro imponiendo un wega di combinacion, pero esakinan tabata falta precision pa por a logra e efecto necesario.

Sinembargo La Fama a haya dos oportunidad clave pa defini e resultado final di e partido ora cu primeramente e hoben delantero Ciaran Arends a bay laga e defensa di Bubali, pero ta pone e bala den man di portero Benita.

Ocho minuut despues di e oportunidad aki a toca turno na Davidson Kaarsbaan na amplia e marcado pa La Fama, pero e tambe ta faya ora cu e kier bay chip e bala over di cabes di keeper di Bubali, kende ta logra di desvia e tiro y asina scapa su ekipo un biaha mas.

Den e minuutnan final La Fama ta keda cu 10 hungador ora cu e defensa central, Angelo Henriques ta ricibi su di dos carchi geel y mester a bandona e partido, pero su salida no a cambia e situacion riba tereno y finalmente La Fama ta bin logra su prome triunfo di campeonato derotando Bubali cu anotacion di 1-0.

La Fama a hunga sin e medio campo Rudolf Schwengle, kende tambe a regresa cas bek for di Britannia, pero kende tabata sufriendo di un kebrante di salud y no por a hunga den e wega inaugural di su ekipo.



# Tecnologia di Vanguardia

Benefician di uza Whatsapp Web na lugar di uza esun na bo celular



A keda señala di parti e hendenan di “El Androide Libre” pa destaca e uzo di e plataforma ey adicional n’e servicio di mensahe, cu ta aumentando cu tempo.

Den e factornan cu ta den e ventahanan di uza WhatsApp Web na luga di e ‘app’, tin cu bo ta spaar bateria di bo telefon celular, e accesibilidad n’e version web, e comodidad pa realiza cierto funcion y te hasta yudabo ta mas productivo ora di realiza otro actividadnan.

## Spaar bateria.

WhatsApp ta un di e apps di mas uza pa esnan cu tin un dispositivo celular y obviamente esaki ta nifica un uzo halto di bateria p’e tempo cu e screen ta keda sendi ora di uz’e.

WhatsApp Web ta permiti p’e usuario laga su telefon descansa locual lo reduci e uzo di bateria significativamente.

## Intercambio di files.

Den hopi ocasion e usarionan ta hay’e dificil pa manda files cu nan tin den nan computer via Whatsapp.

Cu WhatsApp Web e procedimiento ey ta reduci na un par di stap masha simpel.

## Accesibilidad ta comodo y simpel.

E usuario por hasi uzo di WhatsApp Web sin tin mester di download un app riba nan PC.

Simplemente mester bay na e site di WhatsApp Web, scan e QR code for di e app di bo telefon y cla.

## Hopi mas facil pa manda link na bo contactonan.

E usarionan cu ta destaca e ventaha aki ta esnan cu ta hasi uzo constante di nan computer pa busca informacion y mas riba internet.

For di noticia, buki y documento, ora di manda esakinan via un chat di WhatsApp, e usarionan lo por hasi’e mas facil dor di copy+paste e link directamente.

## Manda y lesa files di PDF ta mas comodo.

Esnan cu ta duna WhatsApp Web mas balor den e caso aki ta studiantenan avansa, cu ta pasa hopi ora revisando y compartiendo documento den PDF.

Pa download, manda y lesa un PDF file ta bay hopi mas facil via un PC, como cu eynan tin mas recurso pa traha cun’e.

Investigadornan ta descubri fayó cu ta laga sistema di WiFi vulnerabel na hackers



**INVESTIGADORNAN** na Belgie a bisa dialuna cu nan a descubri un fayó den un sistema ampliamente uza pa proteha comunicacion via WiFi, cu lo permiti piratanan informatico lesa informacion cu supuestamente tabata encrypted, of infecta websites cu un virus.

Mathy Vanhoef y Frank Piessens, investigadornan di e universidad di Belgica KU Leuven, a revela e fayó den e protocol WPA2 cu ta proteha e sistemanan WiFi cu ta uza pa comunicacion wireless di telefonnan celular, computer personal y otro dispositivonan cu routers conecta na internet.

“Si bo dispositivo ta admiti WiFi, probablemente e ta afecta”, ta loke e investigadornan a bisa rib’e website [www.krackattacks.com](http://www.krackattacks.com), cual nan a crea pa brinda informacion tecnico rib’e fayó y como tambe maneranan pa ataca dispositivonan vulnerabel.

E no tabata suficientemente concreto di inmediato pa sa con dificil e lo ta p’e hackers probecha di e fayó, of si ya caba nan a uza esaki pa ataca sistemanan vulnerabel.

E Wi-Fi Alliance, un grupo di e industria cu ta representa un gran cantidad di compania di tecnologia WiFi, a bisa cu e topico aki “lo por keda resolvi dor di un update directo di e software”. E grupo a bisa den un comunicado cu el a sugeri su miembronan pa saca coreccionnan, y a recomenda e usarionan pa instala e updates aki di seguridad mas pronto posibel.



# Noticia Internacional

Ocasionando cu mitar di e habitantenan a bira “halto” cu e holor

## Ehército colombiano ta kima 840 kilo di marihuana na un ciudad di e pais cafetero



E huma cu holor fuerte a keda bay rond di e ciudad capital di departamento di Caquetá., como cu e militarnan a dicidi di kima 840 kilo di marihuana den nan kazerne, cu ta keda den un barrio central di e ciudad di Florencia.

Un di e habitantenan di e barrio serca di e kazerne a bisa “tin masha hopi huma y hendenan a cuminsa keha pasobra nan ta bisa cu e militarnan ta kimando un marihuana cu nan a haya, y aki den barrio nos ta halto caba”. Pero no solamente e habitantenan ta esnan cu a keha di e holor fuerte, un gran cantidad di turista cu tabata di bishita n’e ciudad tambe a sinti e holor y su efectonan.

E holor a hasta yega te n’e Centro Policial di e ciudad, y segun loke Coronel Javier Navarro Ortiz a bisa ta cu e cantidad di yamada cu a dreña n’e liña di emergencia tabata asina grandi cu a obliga nan pa sali y mira ta kiko tabata pasando.

Ehército Colombiano a bin dilanti dialuna y a splica cu e hecho tabata un procedimiento cu a conta cu aprobacion di e Fiscalia Nacional colombiano.

“Mi tin cu disculpa mi mes cu e comunidad pa cu e fayó, pasobra e impacto negativo tabata halto. El a wordo kima den e kazerne cu ta keda den e sector di polígono y nos no a pensa cu e lo afecta asina. Sin embargo, awa tabata yobe, tabatin hopi factor negativo”, General Cesar Augusto Parra, a declara.

Cas Blanco mericano ta confirma reunion entre Presidente Donald Trump y Gobernador di Puerto Rico diahuebs awor



E Presidente di Merca, Donald Trump, lo reuni mayan cu e Gobernador di Puerto Rico, Ricardo Rosselló, kende a declara cu diahuebs awor e lo ta na Washington cu e obhetivo di haya un ayudo financiero p’e reconstruccion di e isla despues di orcan Maria.

Ta previsto cu Rosselló, cu diaranson mes a decreta e fin di e toke di keda rib’e isla, papia cu e Presidente mericano rib’e situacion di e Estado Libre Asociado di Merca aki, cual su infraestructura a keda gravemente afecta dor di orcan Maria, dia 20 di september ultimo.

Siman pasa e Congreso mericano a aproba un ayudo di 6.000 miyon di dollar pa sigura cu e Gobierno local lo por sigui opera y hasi pago di su obligacionnan.

“Nos ta sigui haci tur loke nos por pa yuda e hendenan di Puerto Rico, ta un di e motibonan pa cual e Gobernador (Rosselló) lo ta aki mayan”, a señala e vocero di Cas Blanco, Sarah Sanders, den su conferencia di prensa diario.

Segun e vocero, Presidente Donald Trump a expresa su deseo di yuda Puerto Rico “bolbe lanta bek riba pia”.

Apart di e pakete di 6.000 miyon destina p’e Administracion di e estado libre asociado, e Congreso a aproba siman pasa un iniciativa pa duna e comunidatnan afecta 35.600 miyon dollar. E pakete ta inclui 18.700 miyon p’e fondo di ayudo den casonan di desaster di e Agencia Federal pa e Maneho di Emergencia (FEMA, na ingles), di cual 4.900 miyon lo wordo deposita den un cuenta di prestamo pa alivio di desaster.

Tambe lo proporciona 1.270 miyon pa asistencia alimentario para Puerto Rico, cu a sufri tres horcan den menos di dos luna.





# AWEMainta

#1 Online

Completamente  
**DIGITAL**

**Ricibi AWEMainta  
tur dia den bo inbox**

**Manda bo E-mail na [noticia@awemainta.com](mailto:noticia@awemainta.com)**

**Haya noticia y edicionan di  
AWEMainta riba nos website**

**[www.awemainta.com](http://www.awemainta.com)**

**Like nos riba Facebook**

**[www.facebook.com/awemainta](http://www.facebook.com/awemainta)**